

夢

林

玄

解

夢林玄解卷之十九

夢占

飛走部一

四靈

百獸

六畜

〇〇〇四靈

麒麟降自天吉

占 周南咏麟趾。美文王之仁德。春秋書獲麟。見魯史
之成經。麟之為瑞明矣。夢天降者。必將有聖明出
焉。或居天位。或相天朝。當
世大順極治之休徵也。

麟吐書

孔子夢芻兒捶麟。傷前左足。見曰。吾為赤松子。見
一禽如麋羊頭一角。角末有肉。孔子東薪覆之。麟
向孔子蒙其耳吐書
三卷。孔子精而讀之。

麟入室中

陳麟之母夢麟入室中。自取門閭。盛以饌之。及生。乃以麟名之。字曰兆夢。後爲閬縣尹。民皆仰之。稱爲循吏。

鳳鳴高岡 大吉

占 鳳爲羽族之王。聖世之瑞。虞庭樂奏。則來儀。周家德盛。則鳴岐。夢鳴高岡者。主聖帝中具武賢臣發跡。時和年豐。國泰民安之兆。

鳳凰飛下齋前

南齊世祖未受禪。夢鳳凰從天飛下。清溪宅齋前。兩翅十餘丈。翼下有紫雲氣。果禪。宋段少連開封人。其母夢鳳止于家庭。而生少連。有聲官至學士。

丹鳳高翔 吉

占 夢此為主聖臣賢民安物阜之兆也。將必
日 有恩詔班行天下。租稅得蠲。刑獄得赦。

口吐白鳳

漢楊雄作甘泉賦成。夢口
吐白鳳。雄又著太玄經。

五色雲化鳳集左肩

徐陵字孝穆。母臧氏。夢五色雲化而為鳳。集於左
肩。已而誕陵。數歲。實誌公以手摩其頂曰。天上石
麒麟也。

鳳集其身

王曇首選為揚州刺史。妻丁氏。駕部郎中丁超女也。
丁氏嘗晝寢。夢鳳鳥集於其身。以告曇首。曇首選
問實誌公。曰。生子當為方士。丁娠姪。又聞腹中啼
聲。實誌曰。之子神仙宗伯也。是生遠知。遠知師事
陶弘景。聰敏博綜。傳其道法。歷陳
隋唐壽百二十六歲。謚升貞先生。

鳳鳥集手上 凶

大業中有孫姓者夢鳳鳥集手上以為善徵問蕭
詒詒曰不祥孫以為妄後十餘日遭母喪乃遭所
親復問之詒云鳳鳥非梧桐不棲非竹實不食所
以止手上者手中有梧桐竹之象也禮云苴杖竹也
削杖桐也是必有重憂耳

身化為鳳 大吉

占 鳳之為鳥也世不恒有人未嘗觀所以為靈瑞也
夢身化為鳳者則亦豈常人哉其為人中之鳳可知
日 巳南陽鳳雛河東三鳳此其類也若懷
孕夢之主女為天下母子男為朝中相

龜 貞吉 否凶

龜為介蟲之長能知吉凶禍福文肖八卦九宮伏
義則之以作易箕子困之以東疇聖人卜之以決
日 疑其為世寶尚矣夢此者窮通得
失富貴貧賤死生壽夭各以類占

神龜

萬畢在江南得名龜置之家而富夢龜言送我水中又聞龜鳴怪而殺之畢輒死家不利

莊子曰宋元君夜半夢人被髮窺宮門曰予自宰路之淵爲清江使河伯之所漁者余且得予元君覺使人占曰此神龜也君曰漁者有余且乎左右曰有君令余且會朝解白龜焉其圓五尺君再欲殺之再欲活之卜曰殺龜以卜吉乃剝龜七十二鑽而無遺筴仲尼曰神龜能見夢於元君而不能避余且之網知能七十二鑽而無遺筴而不能避剝腸之患秦主苻堅初年高陵人穿井得龜大三尺背有八卦文堅命太卜池養之食以粟及太元末年龜死藏其殼於太廟其夜廟丞高虜夢龜謂之曰我本出將歸江南適時不遇頌命秦庭旁有人謂廟曰龜三千六百歲而終終必妖興亡國之徵也未幾苻秦敗

黃龜

吉

占 梅堯臣字聖俞。和永叔洗兒詩曰。夜夢有人衣被
觀。水邊授我黃龜兒。明朝我婦忽在夢。乃生男子
日 賁秀眉。凡夢此

者。主生子之兆。
五代時劉贊。文思遷。乃禱乾象乞文才。一夕。夢
吞小金龜。自是大有文思。後夢吐之。不久而卒。

龍

貞吉
否凶

占 龍。陽物也。君象也。於卦位屬震於地。支屬辰。興雲
致雨。變化莫測。夢此者。必為非常之人。其吉凶禍
日 福各以
類應。

乘龍上升

堯夢乘清龍上太山。御龍以
登雲天。而有天下。曰陶唐氏。
光武召馮異曰。我夜夢乘赤龍上天。覺而心中動
悸。異因下席再拜賀曰。此天命發於精神。心中動
悸。大正重慎之性也。異遂與諸
將定議上尊號。乃即位洛陽。

宋明帝泰始七年遣淮南太守孫奉伯往淮陰
軍會奉伯與蕭道成同寢夢道成乘龍上天於下
捉龍脚不得覺語曰兖州富大庇生民而我不得
見也時蕭為兖州牧及登帝位則奉伯先奉矣
南齊太祖年十七夢乘青龍西行逐日日將薄
乃止覺而懼家人問占者云至貴之象蘇佩云
木色日暮者宋

遲衰也後果禪

祖挺謂長廣王言殿下有非常骨法孝徵夢殿
乘龍上天王曰若然當使兄大富貴及即位是
武成皇帝遂拜挺為中

書肖郎孝徵挺字也

唐太和間光王夢乘龍升天寤曰此不宜言
者及武宗宴駕以立皇太叔嗣位是為宣宗

蒼龍

大吉

孔子之母顏氏夢蒼龍而生
孔子生之夜有二蒼龍亘天

蒼龍據腹

漢滿太后初入宮，與管趙相約曰：先貴無相忘。帝幸河南宮，管笑初約。帝問其故，具以實對。召滿，滿曰：夜夢蒼龍捉腹，帝曰：此貴徵也。吾爲汝成之。遂孕，生代王。後卽帝位，是爲文帝。

龍頭

吳孫權潘夫人，父爲吏，坐法死。夫人輸織室，而異之，召充後宮。得幸有娠，夢有以龍頭授之，遂生孫亮。

龍無尾

孫休夢乘龍上天，回顧不見尾，覺而異之。後太子不得立，休遂爲帝。至孫皓繼之。吳以亡。陶弘景母夢青龍出懷，無尾，是生弘景。聽義博達，有博仙乘雲馭龍之志，不娶無子。

日化爲龍

魏宣武高后，夢日化龍，繞身數匝，生孝文帝。

兩龍入懷中

晉孝武帝之母李太后。數夢兩龍入懷生帝。又夢兩龍枕膝。生會稽文孝王。鄱陽長公主。

龍飛西南自天而落

石季龍夢龍飛西南自天而落。旦而問佛圖澄。曰。禍將至矣。宜父子慈和。慎之慎之。季龍引澄入東閣。與其后杜氏訊之。澄曰。陛下有賊。不出十月。自浮圖以西此殿有賊。澄即易語云。六情所受。日和尚耄耶。何處有賊。澄即易語云。六情所受。悉是賊。老自應耄。但使少者不昏。即好耳。遂便言。不復彰明。後二日宜果遣人害輔於佛寺中。欲因季龍臨喪殺之。季龍以澄先誠。故獲免。

龍無首 凶

宋晉安王子勛設壇澤陽。即帝位。語左右曰。夜夢乘龍上天。俛視不見頭。眾咸失色。莫有對者。著作郎譙毅曰。易稱見羣龍無首。吉。眾乃大悅。未幾。沈攸之。大軍至。焚其宮。獲勛誅之。

乘六龍 吉

泰始七年。荀伯玉夢太祖乘船在廣陵北渚。見上兩腋下有翅不舒。伯玉問何當舒。上曰。卿後三年。伯玉夢中自謂是呪師。向上唾呪之。凡六呪。有六龍出兩腋下。翅皆舒。還而復飲。至元徽五年。太祖謂伯玉曰。卿時乘之夢效矣。

龍在屋上

蕭騷字宣遠。以宋元嘉二十七年六月己未。產於建康清溪宅。其夜陳后劉昭后二母並夢龍搏屋。故小字為龍兒。年四十八禪帝位。為齊世祖。郭禹夢乘青龍上天。至屋而止。寤曰。龍至屋。吾其死也。果終。

龍罩體

梁阮修容有娠。夢龍罩其體。後生元帝。

龍有異狀

北齊婁太后孕文襄。夢一斷龍。孕文宣。夢大龍首尾屬天地。張口動目。勢狀驚人。孕孝昭。夢蟠龍於地。孕武成。夢龍浴於海。

龍墮地尾斷

隋煬帝生時。獨孤后夢龍出身中。飛高十餘里。墮地尾斷。以告文帝。文帝默然。

龍吐碁經

唐翰林學士王積薪。夢青龍吐碁經九部授之。藝乃精。

入水取一龍

南唐義祖。夢臨大水。黃龍無數。義祖祖身而入水。取一龍而出。驚寤。未幾。掠得烈祖。養以爲子。

黃龍吉

南唐烈祖晝寢。夢一黃龍繞殿檻。鱗甲炳然。既寤。使視前殿。則齊王凭慳而立。向背皆符所夢。烈祖曰。天意非偶。旬日。遂正儲位。齊王。卽元宗居藩所封之爵。

蛇化龍

宋太祖微時。客遊漢東。依漢隨州刺史董宗本。宗本。子遵誨。夢黑蛇長百尺餘。化龍東北去。雷電隨之。以語太祖。及太祖卽位。召見遵誨。曰。卿尚記化龍之夢乎。

黑龍蟠樹上

謝深甫遇父友。對飲留宿。夜半酒渴。無從得水。騰前梨熟。深甫遂登樹啖之。爲犬所吠。不得下。主人夢黑龍蟠樹上。啓戶視之。則深甫也。遂以女妻之。深甫果至宰相。

龍出領下

張文表。武陵人。作亂襲潭州。殺衡州行軍司馬廖簡。將攻長沙。猶豫未定。有小校夢文表龍出領下。

文表喜曰天命及敗，梟首朗陵。

身化龍

吳程始勤學文，穆王時，西府院官滕雋嘗夢程化爲赤龍，望南方而去。雋因語其夢於人曰：吳氏子非我所測也。及爲福州始驗。

〇〇〇百獸

騶虞 大吉

仁獸名。白虎黑文，不食生物者也。夢此者，主聖明在上，澤被蒼生，德及庶類，臣寮大法而小康。將士威武而不殺，孕育夢此，必

曰占

生非常偉人，當世無此。

吳郡陸師道作騶虞歌曰：君不見煌煌丹穴五色，瑞渥注之產汗血駒，鳳毛龍子自有種，隨地便與凡禽殊。劉宗積德天下無，尚書聲光照寰區，公侯子孫必復始，感應吉夢來騶虞。白質黑章照山水。

夢林玄解

卷十九 百獸

七

夢占

營營紫氣佳城隅笑喚吾家雪色狸。心知非能亦
非經詰朝冢孫舍懸弧始信占夢言非誣。錦襪見
公顏玉立耽耽雄視回清臚。吾聞庭堅作理祝英
六始生白虎開貞符。騶虞之祥亦此類。行繩祖武
陳臯謨。何須更試啼聲。

黑虎吉

玄壇之神。勇猛之物。軍士夢此。戰勝攻取。無往不
利。常人夢此。膽壯氣豪。凡事大亨。胎孕夢此。生子
剛毅。才堪為將。詩云。矯矯虎臣。是也。

白虎 貞吉 否凶

白虎為西方之神。為武將之象。為肅殺之氣。為刑
獄之主。為凶喪之兆。凡夢之者。因時因事而占之。
堯為天子。季秋下旬。夢白虎遺我馬。啄子。其母曰。
扶始。升高丘。睹白虎。上有雲。感已生。臯陶。索扶始。
問之。始堯言。明於刑法罪。次終始。故立臯陶為大理。

秦明亥為二世皇帝三年夢白虎齧其左腋殺之
心不樂占者曰涇水為祟帝齎于聖夷宮趙高遣
閹樂率兵入宮二世自殺趙高
高迎立于嬰子嬰誅趙高
汚陽盜倪文俊生於黃陂母夢白虎入室及
潛號驕恣母夢白虎死文俊遂為下所殺

猛虎出深林 吉

占 養威蓄銳勇往直前之兆也士人夢此出茅廬登
虎榜仕宦夢此得兵權握虎符胎孕夢此生驍勇
日 必大貴若商旅出行夢此
須防道途之險戒慎毋忽

虎銜雷公 凶

曹爽夢二虎銜雷公雷公若二升棧放箸庭中刺
惡之以問占者靈臺易馬訓訓曰憂兵訓退告其
妻曰夷將以兵亡不出旬
日已而果為司馬訓所害

乳虎相逼 凶

夢林玄解

卷十九

百獸

八

夢占

占口

得此夢者，必有夙冤前孽。將欲報復，故形之於寤寐間也。輕則或可解禳，重則不能幸免。天道好還，可不懼哉。

周象好畋獵，後爲汾陽令。夢一乳虎相通，驚寤。因有病，後有異僧過門，謂鄭叟曰：「此居有妖氣，鄭叟告象，召僧禳之。」設壇持劍誦呪，忽聞象臥榻下有虎聲，僧以水噴之，象病漸愈。唐晉陽人有無罪而殺妾者，後數年，夜半驚起，呼其母，母問其故，曰：「適連爲虎所齒，傷甚，遂死。」覺而心驚悸甚，故特啟之。母曰：「人言夢死者反生，夢想顛倒故也。」汝何愛然？汝夜來未飯牛，亟飯之，乃往飯牛，閭中見物似牛之脫者，乃前執之，不知其虎也。遂爲所噬，其人號叫竟死。時人以虎爲所殺之妾也。

月中有虎

宋滕元發母夢虎行月中，墮其室，遂生元發。舉進士，授大理評事，召試爲集賢校理，以直道策名於

英神哲

三朝

人化為虎

洪起畏為浙西提刑。夜夢錄囚十八人。內一人化為虎。寤而異之。明日見所解賊徒。數與夢合。而陳瑄在其中。洪奇其狀。特貸其死。未幾宋亡。而瑄以漕運貴顯。乃給洪終身以報全護之恩。新中楊真者。癖好畫虎。書則每生卧必觀之。既老卧疾。召兒孫謂之曰。我平生不合癖好畫虎。每夢中多與羣虎游。至晚年尤甚。我方恐懼。今又夢身化為虎。覺既久而方復人身。我死之後。恐必化為虎。兒孫輩遇虎。慎勿殺之。是夕卒。及謀殯葬事。忽見大虎跳躍而出。其一子遂出觀之。虎回食其子而去。數日。家人夜夢真歸。謂曰。我已為虎。甚是安健。但離家時。便得一人食之。至今猶不飢。

虎變作人 大吉

易曰。大人虎變。其文炳也。得此夢者。士人聲名洋溢。文臣位居郡伯。武將職任總戎。胎孕夢之。必生

日

文武全才為當世豪傑

兩虎爭鬪

貞吉 否凶

占

是夢也在國家主眾將不和邀功競賞在州里主羣兒相啗挾詐行私在家庭主兄弟小忿有鬭鬪變之

人騎虎入城 凶

占

此兵戈擾動之兆也夢此主有寇盜攻城人民驚恐當思患而豫防之若自身騎虎必有危迫之虞非仁將帥之職者難免於禍

拔劍刺虎 吉

占

耀武揚威之象也軍士夢此能擒賊斬其驍帥主將夢此能克敵殲厥渠魁若常人夢此當有寅生者被禍害

虎變成龍 大吉

占 是夢也。求科名者。其在辰之際乎。有爵位者。其被華袞之榮乎。立功動。其受上公之命。侯伯之封乎。常人夢之。應在于孫。

彪 大吉

夢此者。文章彪炳。威名赫濯之兆也。文士應試。主第三名。或第三甲。武臣登壇。謀高三略。勇冠三軍。若姪姪夢之。生男必才兼文武。出將入相。

豹入宅中 吉

占 得此夢者。武人有建功加爵之慶。文士有中式捷報之喜。孕婦生文成武就之男。尋常夢此。有官事。日 防寇 盜

獅吼虎伏

夢此者

占 此懼內之象也。夢之者必有女中丈夫。治家產。理家計。掌握夫權。而良人雖威震四方。遠近畏服。反若受其節制。必從其言者。

獅滾毬而戲 吉

占 獅乃獸中之王。滾毬而戲。從容閑暇之象也。夢此為安樂喜慶之兆。兄弟合。夫婦和。父母順。家道豐亨。口舌解散。爭訟消釋。諸事皆吉。

騎獅而行 吉

占 獅不受制於人。豈可騎之物哉。夢騎之者。必有威武。享爵祿。為當代貴人。○浮屠夢此。為文殊化身。日必成正果。

王敬則嘗夢騎五色獅子。及齊明帝即位。以敬則為太尉。直閣將軍。

狻猊雲中來 吉

占 俊倪獅屬夢雲中來者。祖豆之事。得與駿奔之。軍旅之事。得成奏凱之功。應試定主高標。誕生俊然英。

角端前立 貞吉

占 神獸也。能人言。好生而惡殺。夢之者。將帥不宜征。恣行殺戮。人主當詔班師。收藏甲兵。如此。四夷來王。萬邦歸順。而海晏河清矣。

白澤在旁 吉

占 是夢也。家宅平安。無官符病符之咎。風水吉利。有財源喜氣之祥。諸邪不能侵害。眾惡悉皆退避。福遠禍之兆也。

犀牛涉大水 吉

占 犀之為物。上能通天。下能分水。科舉夢此。子丑聯捷。征伐夢此。水戰大勝。出行夢此。遇險得濟。疾病

日 夢此服藥必痊。商賈夢此涉江泛海必獲珍寶之奇貨。

射中貔貅 大吉

占 夢此者行師大捷之瑞徵。攻必取。戰必勝。除強暴。禦夷狄。安社稷。立功勛。世襲侯封之吉兆也。文法日 夢之亦為中式之象。

貔貅伏於前 貞吉 否凶

占 此夢乃軍門受降之象也。揆其理勢必不降者防有伏兵。宜堅壁嚴陣以備之。

狴犴在庭 吉

占 此夢主刑獄之事。君子有无妄之災。雖凶无咎。人有滅身之禍。作惡受殃。○仕宦夢此為司憲。大日 理之官。懷孕夢此。生風憲執法之子。

豺狼圍擾

占 夢此者。軍兒。機。亂之兆。居官恐有黨錮之禍。居防有寇盜之虞。商賈出行。中途有劫掠者。須戒。

忽母

狼啖人足

貞吉 否凶

占 得此夢者。主出行有阻之兆。狼善顧而啖人足。不能前進矣。居家者宜杜門不出。在途者宜返。

日 即回。凡事安守。宜靜不宜動。

敦煌郡功曹張邈嘗奉使詣州。夜夢狼啖一脚。索統純曰。脚肉被啖為却字。却者不前也。時東。反。遂不果行。

狼與狼同行

吉

占 是夢也。凶中無失。絕處逢生之兆。困窮而得周濟。艱難而遇扶持。雖顛沛流離。猶未至於喪亡也。○富貴者夢之。有人乞哀。貧賤者夢之。有人憐恤。若詞訟爭鬪之事。夢之。須防後患。當見幾知止。

夢占

百賦

夢占

夢占

夢占

璋入庭中 吉

占 璋與璋字同音。夢入庭中者。主有弄璋之喜。孕當生男。又主有富人來謁。我無求於彼。而彼自有惠也。及我。

發矢獲貍 吉

占 是夢也。武人出征。擒斬偏將。文士小試。得占魁名。商旅在途。財利倍獲。疾病在床。禍祟消除。尋常夢此。為得財物。有酒食之佳兆。

兔眠草間 吉

占 新秋白兔大於拳。紅耳霜毛。趁草眠。天子不教人射殺。玉輦遮到馬蹄前。夢此主貴人接引。若思寵賜之兆。求名者得名。求利者得利。懷孕者生女必貴。凡事應在卯年月日。

兔入懷中 吉

占 太陰之精也。卯宮之肖也。書生夢之。獨步蟾宮。武將中之直持。虞寨所者。夢之勿藥而痊。娠妊夢之弄瓦而貴。

鹿

貞吉 否凶

占 鹿者。祿也。人無祿壽。祿盡則亡。故夢得鹿者。主富貴。夢失鹿者。主困窮。鹿生則存。鹿死則死。吉凶禍福。夢兆昭昭。不與夢皆理勢之自然。莫之為而為。莫之致而致者。

唐叔將史。思時愛。侵淫。寢食常在側。而怒孽朝。義朝。義與其將。驂。說。圖。謀。是夜。思則夢。夢驚寐。據床叱咤。譚問。胡寤。曰。夢鹿渡水。至曉。死水乾云何。未及對。優伶相謂。曰。胡命盡乎。駭悅入。眾優指所在。思明踰垣入。竄。單。騎。出奔。尉了俊射中其臂。落馬。悅拾赴柳泉。驛殺之。

蕉鹿

鄭人有薪於野者。遇駭鹿而斃之。恐人見也。遂藏諸隍。覆以蕉。不昧其喜。俄而遺忘所藏處。遂以為

夢林玄釋

卷十九 百獸

七

夢占

夢焉。順途而誅其事。傍人有聞者。用其言而取之。既歸。告室人曰。向薪者夢得鹿。而不知處。吾于今得之。彼直真夢者矣。室人曰。若夢薪者得鹿耶。詎有薪者耶。今其得鹿。是若之夢真耶。夫曰。吾據得鹿。何用知彼夢我夢耶。薪者歸。不厭失鹿。夜夢藏之。而爭之。又夢得之。主與旦。宗所夢而尋得之。遂將復夢。分人夢乎。國相曰。夢不夢。臣不能辯。欲辨。夢覺。惟黃帝孔丘。

狐涉水 吉

狐者。邪媚之獸。善於聽聞。水堅未解。無濡首濡尾之危。方侵蹄而渡。得此夢者。將帥遠征。長驅席捲。商賈出行。輕車熟路。江湖之險。如履平地。千里之遠。如在目前。夢狐半濟而回者。主艱阻難行之象。無論水陸。皆預防之。女子夢此。宜遠小人。持身不可不嚴也。

狐狸在意外

貞吉
否凶

占 此鬼祟陰邪之象。不可不戒懼也。男子夢之。勿近婦女。女子夢之。宜敬事正神。以辟邪祟。

貉入林中 貞吉

占 貉。狐狸也。林者。草木茂密之處。夢此主奸邪遠遁。賊寇潛藏之兆。事勢至此。慎勿窮追。恐生異變。易曰。君子幾不。如舍往吝。

象入戶 大吉

占 獸莫大於象。次於毛蟲之長。膽在四足。足有人足之象。故曰象。象善守而畏辱。羣獸皆懼虎。虎懼後。覩後從服。歸子。惟象與獅吼抗。西旅有人善御之。為象奴。象服其言。言必信。凡夢之者。必有官宦事。吉。胎孕夢之。生男必大賢。病人夢之。心神復正。得去病根。

白象 吉

占 此夢主金天之陽。為大貴之徵。又為釋家之神。又為半神。以自敬其躬之驗。

第十祖廟尊者生時。父夢白象入門。○會稽張茂嘗夢得大象以問。齒推。推曰。君當為大部。而不能善終。夫象者大獸。獸者守也。象以齒焚身。必為人所害。至未目中為足。與太守值。王敦問鼎。茂執正不移。敦遣沈充殺之。

象越城 凶

占 此亡國之徵也。夢之必有大敗。是城中無守。敵得入城也。城似已。已亡城似彼。彼滅。呂光攻龜茲城。夜夢金象飛越城外。光曰。此謂佛所去之。胡必亡矣。已而果平龜茲。

象洗浴 貞吉 否凶

占 夢此主樂處逢內之兆。惟士子求名者夢之。為赴京應選之景。安居多欲夢之。浴魄之象。

跨象走通衢 大吉

占 兆夢主功名之人。慶安康而顯榮。趨吉以遂志者也。若疾病夢之。為大難不死之兆。

象羣

貞吉 否凶

占 象好潔而知恥。故其羣也。人不得而觀之。凡夢此者。主情欲之事。當以聲色動靜之景占其吉凶。為媒妁者。夢之大吉。身在異鄉。夢之有難。病人夢之陰陽和。餘獨夢之無占。

象鼓腹而舞 貞吉

占 文學夢之。為入京應試之兆。武將夢之。為有事詔南之兆。商賈夢之。為成交得意之兆。願沛夢之。為仇人自繫之兆。平居夢之。為設燕作樂之兆。若有禍亂之幾者。夢此當問卜。

象被人拔去牙 吉

占 此夢之吉占。在拔牙之人。剛而能柔。柔而得。日 補所利大矣。然有因窮受侮而不能安者焉。

二象被錦在闕下

貞吉 否凶

占 此得貴爵之吉夢。而安居無學。日久快。日 樂之人。反為凶夢。其凶有不可言者。

象輦

占 夢隨象輦而徒步者。大貴之象。必為天子股肱心
膂之臣。夢遙望象輦者。有吉無凶。富貴之兆。夢象
輦自外來入其門者。吉則大吉。凶則大凶。吉者。聖
駕來臨也。凶者。敵國來侵也。有疾病者。夢此。天神
降臨也。崇德感天。吉
祥自至。又何患乎。

萬象從天降 吉

占 天降萬象。智者知之。以其象人而名象。象者。獸之
猛而慈者也。在天成象。在地成形。夢象之象。猶天
象也。是夢也。主民安物阜。文士得
之。胸羅二酉。武人得之。勇冠三軍。

象耕於田 大吉

占 昔者舜也。鳥耘而象耕。彼何人斯。夢遊歷山哉。女
子夢之。夫寵愛。田者。胃也。農夫夢之。必有代耕者。
代耕者。他日必大貴。為天子之輔。病人夢之。胃氣
和平。佛力普度也。災難夢之。兄弟位仇得睦。使

之然也。執政夢之。當求人于田野。田野之間必有隱士焉。

駱駝大象負囊而行

占 此富貴者有事涉歷西旅之夢兆。非貧賤者所得與。又非東方之景也。夢于日中行。必有好事至。但非安閑之兆耳。夢于月下。則為亂世。若於暗中行。不祥。是殺身成仁之徵也。

身跨駱駝馳騁

占 此強壯樂利之夢。夢之者。作事有不及。則无咎。或過旺。則有殃。夢走途。則有礙。光於上國。夢遊山野。則有險。夢入叢林。乃困窮於失。所夢涉大水。是柔應於得。剛所占各異。

駱駝啖唾汚其身 凶

占 此作為失道。被侮受悔之夢也。思患而改過。曰 貧恐有不及者。惟牝牛在家者。有牧犢之祥。

駱駝隨龍後 貞吉

占 龍夢主大貴。駱夢主大富。夢此有富翁隨貴人而興起之兆。若以勢利自居者夢之。又為天屬他奔。

日 投于貴豪之兆。若小家有陰濕處者夢之。則是蜥蛇虫近竈之象也。

丁咸序未第時。夢乘龍而起。回顧有駱駝在後。二十年方捷。殿榜出。丁亞乃龍起。次駱起。

貂鼠升塔 吉

占 此遇貴之夢兆。夢此有大貴者至。已因。曰 之而貴者。未有無所貴而夢此者也。

手搏貂鼠

占 此夢為陰柔居陰之象。而貴人夢之則大吉。曰 焉。其在邊疆之位乎。小人夢之又當另占。

獼猴在岩崖之上

占 此夢主陟險以伸命令之徵。君子夢之為觀。曰 視小人之象。小人夢之為能敬鬼神之神之祥。

猩猩鬪獅獠

占 猩猩能言不離禽獸禽獸之惡其若猩猩而能言能抗之凡夢此者主口舌之災弱不敵強之象有凶兆焉因人之利而利之因其斯而并獲之有危道焉知機者昌妄動者亡

猩猩啜酒

貞吉 否凶

占 此夢主悲喜萃聚之象但觀其所聚而吉凶可見矣當以所夢景象占之有笑者不祥

手擒獾 吉

占 是夢也居官者萬民懽悅居家者眾口攬欣人子奉養得承歡膝下賓朋酬酢得歡會堂中內外歡喜遠近歡笑飲食宴樂之吉兆也

獾被虎噬

貞吉 否凶

此除害去惡之兆蟠祭之禮曰連虎爲其食田豕也田豕獾屬也得此夢者必有鼠竊狗偷之憂爲官法懲治而地方安靖矣

獼來岸上

占 獼水狗也。以魚為食。來岸上。既飽而肆志也。夢此必。有強暴之徒。逞其私智。陷害善良。意得志滿。而驕奢放恣者也。宜審時以待之。量力以旋之。則吉。

猱在高山大樹間

占 猱。獼猴也。性善升木。在山樹間。適其適也。夢此必有狡獪之童。廢時失業。流蕩之人。好樂忘返。宜以理喻之。禁其未發。以威治之。警其將來。

猿獻菓 吉

占 夢此主有喜慶宴會之事。居官者陞遷。居家者闢。創利。各兩得。福壽兼全之瑞徵也。以夢中所獻之菓。詳之。桃主延年。李主嘉慶。菓生貴子。松作公卿。餘可類推。

猿從高跳下

李至寧勘疑獄。夕禱于天。夢後墮前。驚悟。明日大至。訊之。剡遽曰。願就死。適盜庫金。會典庫。歸遂殺之。乃執袁大而免楊氏。楊氏羅江張士。寡居。一日親黨有婚會。偕女張氏往。雍乙從行。先歸。死於庫。提點劾治。逮張氏。張氏答毒自盡。李得夢而雪焉。

熊羆

大吉

占曰

陽物在山。強力壯毅。夢之者生男必貴。小雅斯子之詩云。吉夢維何。維熊維羆。太人占之。維熊維羆。男子之祥。此之謂也。

黃熊入寢門

苻健母姜氏。夢大羆而孕。遂生健。及長。勇果。便弓馬。好施。善事人。後襲父洪位。遂稱帝。元雷機字子樞。父德潤。母游氏。初德潤無子。嘿禱于神。夢黑熊行天。遂有娠而生機。

鄭子產聘於晉。晉侯有疾。韓宣子逆客。私焉。曰。寡君寢疾。於今三月矣。並走羣望。有加而無瘳。今某

黃熊入於竅門其何厲鬼也對曰以君之明子爲大政其何厲之有昔堯陞鯀於羽山其神化爲黃熊以入於羽淵實爲夏郊三代祀之晉爲盟主其武者未之祀也乎韓子祀夏郊晉侯有聞賜子產莒之二方鼎

解豸 大吉

占 神羊也善能觸邪故憲司執法之官以爲服飾仕宦夢此王爲侍御或廉使求子夢之主生貴男或貴女訟者夢之事 日 在御史或廷尉

獬 翼望山吉

占 貂類似狸而五尾其聲奪衆音食之可以治瘡夢是獸者應試得捷報行人有喜信疾病遇良醫

貍 恒同 貞吉

占 貍類皮可爲裘肉可充庖夢是獸者有自食其力之象居官不素餐居家不素飽庸常者亦不游食

飛虎在日宮飛出

占 此大貴之夢。夢之為欽命掌樞密之兆。虎而
曰 異之。何所往而不服。出自日中。其君命乎。

飛虎入室 大吉

占 貴人夢之。主揚威加爵。士民夢之。主有言。祿
曰 至。胎孕夢之。主生男大貴。病人禱祝必全愈。

海馬入門戶 吉

占 此夢有武事得大吉之兆。應試夢之捷報。
曰 至。應選夢之有兵權。娠妊夢之生貴子。

乘海馬 大吉

占 此武人之夢也。主戰勝攻取之事。凡
曰 夢之者皆主无咎。病人夢之必瘥。

海馬戲潮 吉

占 此夢主當朝執政之兆。庶人夢之。主遠
曰 行大吉。作事順利。吉生夢之。文思頓長。

佛佛踰垣而入 凶

占 佛佛似猩猩而不能言。乃人形之惡獸也。善治其家。男正位乎外。女正位乎內者。必無此夢。倘有夢此者。其難乎。若能平易安靜。虛已謙讓。以從正義之貴人。或有解禍之機在。

佛佛見而大笑 吉

占 佛佛啞人必先笑而夢。占笑主哭泣。惟夢此反為吉兆。求名得名。求利得利。所志必遂。佛佛非人。其笑非笑。此小人畏敬之兆也。凡夢此者無不利。

佛佛從雲中來 吉

占 夢此須防寇盜。為人中正無憂。或因暮夜虛驚。此後笑有病瘵。

如人不能言者其掌似熊掌

占 佛氏所謂人非人者。此類也。夢此者非人品。而能若人之象也。故夢之者必有亨貞之吉。

虎斑貓

占 此夢為陽襲于陰之象。夢自來入室中者
曰 吉。自內出竄者不祥。去而後來者得人心。

獅貓 大吉

占 夢此主豐亨久安之兆。富有好人在門下
曰 勇而尚義者。或有果得一貓以應夢者。

貓伏堂限 吉

唐薛季昶為荊州張史。夢貓伏卧於堂限上。頭向
外。以問占者張翥。翥曰。貓者爪牙。伏門限者。闔外
之事。君必知軍馬。未旬日
除貴州都督。嶺南招討使。

貓鼠同眠

占 此君不君臣不臣。父不父子不子之夢也。下必
曰 有犯上者。若當此時生小猫。小猫為無用之物。

羣貓相鬪

貞吉
否凶

貓捕鼠

占 此夢主暮夜有戎之兆。而于已無患者也。若
曰 夢其所畜之貓。被他家貓咬傷。主下人有災。

貓吞活魚 貞吉

占 夢此主得財。須防子媳災。若有姓褚者。其兆
曰 苦哀哉。有事南蠻九溪十八洞。一去不回來。

貓吞蝴蝶 凶

占 夢此成家立業徵。手下人人有志誠。
曰 若還買賣山東去。千金利息貴前程。

六畜

占 蝴蝶是箇夢中魂。如何夢裏被貓吞。
曰 這兒不是箇家鬼。只恐陰私害正人。

雞 貞吉

占 雞者。羽蟲之屬。於五行屬木。於八卦屬巽。於十二
辰屬酉。其初鳴也。天將曉也。故曰司晨。此雞無晨

曰

雌雞啼者必災殃。凡夢雞者。淹塞

之中。有亨祥。亨祥不可忘戒懼。

謝安還都。聞當與入西州同。自以本志不伸。深自

慨歎。因慨然謂所親曰。昔桓溫在時。吾嘗懼不全。

忽夢乘溫輿行十六里。見一白雞而止。乘溫輿者。

代其位也。十六里止者。今十六年矣。白雞主酉。今

太歲在酉。吾病殆不起乎。乃

上疏遜位。尋薨。時年六十六。

雄雞引雛

占

此夢以陽居陰。剛而能溫之象。是為家道亨昌。人

曰

口和同之景。若夢此而不見母雞者。則為幼兒無

母。不祥之兆。又女子作事如男

子。是妻不妻。母不母之凶兆也。

雄雞生子

占

此夢主丁火長生於酉。蓋子者卯也。卯者卯之象。

曰

卯屬木。木生火。火在卯為丁火。求名者夢之主貴。

雄雞不雌。男作女之象。須防口舌是非。

雞啼 貞吉

占 夢此有女中文夫之象。而夢之者宜正不宜私。宜靜不宜動。作事者夢之。須防女子多言。

關雞 凶

占 夢雞相關。必有窮極處。雞本好鬪。齊雞之人多以此為戲。死。或以此作賭錢者。有因此而成仇怨以致敗亡者。凡夢此者。須防酒後是非。必當備禦。免暴。若果有關雞戲者。另占。

雞鳴高樹上 吉

占 此夢主口舌中得財物之兆。必有音信之事。若以信立身。無一言苟且。必有大得。

雞鳴水中 貞吉 否凶

占 夢此有醉後成口舌之禍。若其作事以順動。而朋類之來。亦得无咎。則反有得利者。

雞鴨同羣 吉

占 夢此者。畜養衆多之象也。富貴夢之。爲日新之兆。貧賤夢之。爲多利之徵。又有和悅之狀。

鴨伏抱卵 吉

占 此扶陽抑陰之象也。疾病者夢之卽痊。又爲壽永之徵。或求名利者有繭絲之事。故夢之。

鵝鴨同游水上

占 夢此者二女居於一室。而情意和洽之吉祥。所居得所之佳兆。所居不得其所安者反是。

人饋鵝 吉

占 夢此者當以其身之所處占之。藝術之士。是有人來索隱也。富貴之家。是有人來干賁也。病患之人。是新禳禱祝之也。貧賤之際。遭逢一痴漢也。安居無事。有慶賀之兆也。有事之秋。包容承順之景也。

雞鵝鴨齊飛上天

此夢也。是久于其道而忽然變化。異於平時也。易曰。翰音登于天。貞凶。貞凶。雖正亦凶也。故其象曰。

何可長也。翰音者雞也。而鵝鴨亦猶是也。此三者有翼而不能飛者也。不能飛而飛上天。是信非所信。而化非所化也。故夢之者。或因大凶之事而得大吉。或因凶喪之事而有喜慶。或於快樂之際而蒙奇禍者。雖正不能辟邪。雖智不能知幾。雖知幾而守正。不能改禍為福。有下愚得上達者。此兆也。

雞飛入井

此夢主生死之幾。有損上益下之隱幾。安居夢之。有凶。主兒童小口災殃。身在異鄉者。夢之有吉。主得歸故里佳祥。夢雞落井中。而人救之出。或雞是自飛出者。反是。又為大醉兆。是酒毒入膀胱也。宜食生韭以解之。勿用乾葛之藥。貴人夢之為闢殺。有西方人入闕者。

黃狼偷雞

占 夢此者必有可醜之事。女人夢之。有情欲為已所不欲者。

雞被犬咬

占 此酉戌相刑之夢也。為人下者見上人。无咎。反為吉兆。安居在家夢之。須備不虞。

犬嗥

占 此夢有禍亂之事。不拘何等件事。頓然更改。則吉。欲求名者。隱吉。欲求利者。廉吉。欲安居者。勞吉。欲出行者。止吉。欲作事者。無則吉。欲征戰者。守則吉。欲自守者。大饒吉。惟義有吉。昔者夫差將舉兵入齊。夢黑犬嗥以南。嗥以北。公孫聖曰。此宗廟無主也。越入吳而吳亡。

挽弓射狗 吉

占 狗者苟也。苟得其養。無物不長。凡夢得夢來。皆為吉兆。夢挽弓射之。射中大吉。不中無咎。河東裴元質初舉會士。明當唱策。夜夢一狗從寶出。挽弓射之。其箭遂擊。以為不祥。問曹良史。良史曰。吾往唱策之夜。亦為此夢。亦為此夢。夢神為吾解之。曰。狗者第字頭也。弓第字身也。前者第豎也。有擊為第也。尋而唱策。果如夢解。

白犬

貞吉
否凶

占 狗於八卦屬艮，於十二辰屬戌，於五行屬火。於壬戌，屬猛獸，為陽物。夢此主口舌，又為庚戌之期。又為西方之神。又為肺中之火。

黃犬

貞吉

占 黃色屬土，于十干為戊巳土。夢此為順巽之物，又為先靈祖考之使。又為土地之宜。

黑犬

貞吉

占 黑者，陰也。壬也。癸水也。火中之陰也。夢此者，寵神之役也。亡人之使也。水中之火也。

宋徐元杰嘗夢神人繫二黑犬過堂下授之。是歲登科之文。有默思默通云者。主司見之以為神語。乃悟默字有黑犬，重被用之，二黑犬也。犬之微也。靈應至此，豈術相所窺。

犬有綠色鬚

花色犬 吉

占 此熊罴之象也。夢之主生男之光。但以其景影推之。則知所生之男之壽夭貴賤貧富矣。

占 此犬之猛而能勝者。夢此為高阜之象。為華美之畜。為陰陽相錯之色。為自新其德之幾。

赤犬 貞吉

占 狗無赤色者。而所夢不以常物論。嘗有夢之者。為火形。為文彩。為丙戌。為血光。為正陽。

林環往九仙觀卜兆。路遇道士云。為代占。夢赤犬化為龍。明年應作狀元也。及赴京。適符給語。

青色犬

占 狗之色不同。有淡黑者。亦有白色。而若青光者。亦有青色之名。而未嘗有青色者。嘗有夢青翠色者。此水道也。於兆為陽春。為火陰。為夏木。為木形。為剛為巽。為清。為生生无咎。

綠色犬

占曰

緣色者青色之屬。夢此者為陰火。為陰中之陽。為山林之景。為武人之象。為下人華衣者。張天錫在涼州。夢一緣色犬甚長。從南來。欲啗天錫。天錫在牀上避之。乃墮地。後苻堅遣苻萇者。鎗地。錦袍從南來。攻入門。大破之。

天降一犬

人家畜犬以禦外。以防盜偷。而又能辟邪鬼。其類不一。有龐犬。有食犬。有獵犬。有獨狎犬。有族樊。有狴行。有野狗。皆犬之屬。而其用不同。夢犬自天而下。無論其狀。但以所夢之人作何事。行占之。惟守正以謙。行道以順者。此為有勇夫來助之兆。自感于邪。壯志于進者。夢之皆大凶。而疾病夢之尤凶。是天降災殃之夢也。雖正亦不可行。而况非其正者乎。王叔舉兵犯順。病作。夢白犬自天而下。嚙之。覺後病轉劇。俄而教死。

犬噬人

凶

占 夢身被犬噬其凶無占矣。夢他人者當占其
人爲何等人以所噬之人推之自明矣。

犬相咬 凶

占 此窮途之夢也。必有兩人相爭者。作事夢之
大忌。無事夢之禍至。更防刑獄之事。宜戒慎。

犬作人言 凶

占 此夢主獄訟之事。當以犬之所言者詳之。必
有人作非言。言而無信者。更有必不可信者。

犬死 貞吉 否凶

占 此陽剛中正水旺火息之夢。夢之當以夢者
之德行占之。有德則吉。無德凶。又爲食物兆。

稻米飯爲犬所食 吉

占 此福至災消。病瘥志遂之夢。夢此者得人
助力。克仇解散。財帛豐足。家道日興。大吉。

緹縛一對犬豕 凶

占 此夢者因作事苟且而被人所害以結仇怨
有三年之凶驗在秋冬之交乃凄凉之景

豕在雲中降下入屋內

占 豕曰猪曰彘曰豚曰亥宮之肖曰坎卦之屬曰土之畜曰肥甘之味凡夢豕者皆天命所係所係
大而為生為死小而為病為訟若豕

從天降則生男之瑞成家之福也
漢景帝夢一赤彘從雲中直下崇芳閣覺見赤氣如雲霞來蔽戶牖因改崇芳為猗蘭殿後王夫人
生武帝於此殿

猪喘足 凶

漢壽亭侯關羽出軍圍樊夢猪喘其足語子
平日今年衰矣然不得還果為吳人所襲

豕化為人形

占 此陰化為陽之夢也成家成業生子生男
病應得痊寬仇和解但有起訟事在官者

燕有大豕者百二十歲謂之仙豕邦人以獻昭王
軍臣言於王曰是豕無用令宰夫膳之見夢於燕
相曰造化管我以豕形食我以人穢仗君之靈而
化吾生也今始得為魯津之伯後燕相遊於魯港
有赤龜者衛夜
光之朱而獻焉

身變作豬形 凶

占 夢此者是其本來面目也此必不得其死者
日 人之相貌有豬相者不善終况夢見其真乎
安濟山夜夢化一黑豬而龍首或
告玄宗玄宗曰豬龍也無能為貴

豕入泥中 吉

占 夢豕安伏卧於污泥之中諸事皆吉又為生
日 男之兆夢豕在泥出入無時屢失屢復之兆

豕渡河 吉

占 夢此歲旱之徵也有處困而亨者夢豕渡河
日 去為災悔消除夢豕渡河來為酒肴宴會

殺豬 凶

占 此夢不祥。兒孫受殃。分離骨肉。連害爹娘。夢
曰 豬無故而死亦然。但有仇無仇。稍不相同。

豬被殺復生

占 此夢主刑獄之事。有無事被囚者。有宿冤不
曰 解者。有死罪遇赦者。有死一子再育一子者。

人饋活豬活羊 大吉

占 此夢主喜事至。為聘允酬謝之儀。生生之意
曰 也。為錫命。肅濟之物。諸陽之象也。真吉夢也。

射豕 吉

占 此有征無戰之景。所志必遂之夢也。豕者死
曰 也。射者立功之象也。要射不中。有未及也。

齊趙隱字彥深。為大行臺都官郎中。從齊文襄征
潁川。時引水灌城。城堆將沒。魏將王思政猶欲死
戰。文襄令隱單身入城告諭。即日降之。便手牽思
政出城。文襄謂隱曰。某昨夜夢獵。遇一羣豕。吾射

盡獲之得一大豕不可得。卿言當為吾取。須大獲豕而進。今夢驗矣。

母豬吉

占曰：夢此者，生育聚畜之謂也。諸物得以生，諸畜得以聚，未有不祥者。

饒陽李瞿異勳官，嘗滿選。夜夢一母豬，極大，語李仙藥。仙藥占曰：母豬，地主也。君必得屯主。數日果如其言。

母豬生小豬

占曰：此致富之夢也。而吉處不復言。凶處反加凶。何也？亥運之象也。戌運，錯物亥運，銷人也。

母豬生羔羊

占曰：夢此為脩井之兆。豕屬坎，羊屬兌。兌者澤也。其象為悅。羔者膏也。其象為羹。因汲作羹，為人所悅之。夢兆故曰脩井之兆也。是陰生陽之象也。又為生女之瑞徵。

萬羊 大吉

占 牧羊山野。趙民比王侯之富。牧羊抵上。蘇卿佐帝相之忠。羊為畜類之屬。於卦為兌。於辰為未。凡夢之為生男。為生貴女。為牧民之象。人君

夢萬年。必得賢佐。士庶夢萬羊者。大貴。黃帝夢人執千鈞之弩。驅羊萬羣。曰千鈞之弩。力也。驅羊萬羣。能牧民為善者也。得力牧唐李德裕嘗夢行晉山。有牧羊者數十。韋迎拜曰。此君所食萬羊。後果為相。

一羊在花下 吉

占 此夢主美歡之兆。但以花何名何色。占之。凡夢此必生孝子。生女必大貴。

宋吳近妻至一亭。扁曰侍康。旁植芍藥。獨放一花。花下一白羊。後丁未歲。生女為高宗后。

羝羊觸藩

貞吉 否凶

占 此作事羈遲。被傷而不能安之夢也。勿曰羝羊觸藩。藩不能退。不能遂。無攸利。羝則吉。

人饋羊 吉

占 夢此主生男之兆。為陽剛之象。而當強盛之時。壯于進取。有事出行。反為凶兆。宋高宗夢崔府君之神。以白羊饋之。占曰。得孝子之兆。是歲六月六日。宋太祖六世孫秀王偁夫人張氏。夢人擁一羊遺之。生伯琮于秀州。及元懿太子薨。高宗未有後。昭慈聖獻皇后語以異夢。高宗曰。太祖以神武定天下。子孫不得享。朕不法仁宗。為天下計。何以慰在天之靈。於是。以選育官中。後立為皇太子。更名昚。即帝位。是為孝宗。

牽羊 大吉

占 夢此為一陽來復之瑞徵。平康富貴夢之。生貴子。流離顛沛夢之。家道興。病痊訟息怨解。

騎羊 貞吉

占 此夢主自在從容之樂。出行不宜夢此。夢此有假無真。若夢他人騎羊而來者。生男必貴。

羊車

占 羊非牽車之物。夢此者往澤國而由陸達也。惟訪友得遇知己者。若遠行夢之。一去不復歸。或半途而止。娠妊夢之。須防小產。疾病夢之。為呼吸運氣之象。捍禦夢之。有揚兵之誌。

剗羊 貞吉

占 夢此主有慶賀之事。夢羊血汚其身。主得財。夢剗羊無血。危厲薰心。所求不得。所願不遂。

盜羊 吉

占 夢此者陰中生陽之象。非為無事之兆也。必有柔道牽聯。而又得貴賈。遭逢恩主者。諸起夢盜羊入獄。元稹解之。當得城陽令。後封陽城侯。

羊負魚 凶

占 夢此為鮮麗。夢此為鮮有。夢此為魯人之徵。夢此為楚辭之吉。夢此為無交之兆。

趙主石季龍嘗晝寢，夢見羣羊負魚，從東北來，瘠以訪佛圖澄。澄曰：「不祥也，鮮卑其有中原乎？」蓋以羊與魚為鮮字也。後果為慕容儁所殺。

身忽變為羊 凶

占

夢此主弄真成假，若正從邪，因安致危，得吉。受禍若能慎其所之，而借意詳任，則善終矣。

唐高宗時，徐慶為征遼判官，在軍忽夢已化為羊，為一典所殺。覺後，惶恐流汗。至曉，此典詣慶，慶問夜來有所夢否。典云：「夢公為羊，手加屠割，意甚不願。」為官所使，制不自由。慶自此不食羊肉。至則天時，慶累加至司農少卿，雍州司馬。時典已任大理獄丞，後慶被誣，與內史令裴炎通謀，應英公徐敬業被執，送大理。忽見此典押獄，慶便流涕謂之曰：「征遼之夢，今當應之。」及被殺戮之日，竟見此典引出。

活羊無首 凶

占曰

此丑午相刑之夢也必有計慮所不及者但以所夢之言推之則吉夢不言取牛去者凶
隴州吳山縣人一夕皆夢有人乘白馬語曰我將移居暫假爾牛言訖即過及明數百家牛皆被體汗流如水是日將南山曲出一泔方圓百餘步里人以此泔因牛而遷謂特牛泔

雲中馳騁

貞吉

占曰

馬屬午屬金火屬乾其嘶鳴也屬乾之震其脊薄蹄屬乾之坎其用之屬離之離火夢之為陰中之陽為心中之事為家中之火為長幼朋友之唇舌為幽冥巡遊之神祇為官宦之事為爵祿之兆為遠行奔走之象夢馬在雲中是出往愆期歸期未定之兆也夢身乘馬馳騁上雲中是艱難險阻之際而得乘雲之路也夢神人駕馬在雲中是有貴官未曾得位之際天神見于人夢以顯其靈也又所以敦厚其未遇之心德使安其心于危厲之際也夢乘馬升天半雲而墜下者是其見險而動動而免乎大險也夢直上天宮者大貴也

崔慧景之逼長沙宣武王入援至越城夢乘馬飛半天而墜而梁武所駭化為赤龍騰虛獨上

官吏乘馬來閱

占 道途夢此須防大風暴雨平安夢此須防疾疫爭訟凡夢此者必當以所夢神言細推之

何致雍者賈人之子也幼而喪父好學嘗從其叔父泊舟皖口其叔夜夢一人若官吏乘馬從數僕來往岸側徧閱舟船人物之數復一人自後呼曰何僕射在此勿驚之對曰諾既寤徧訪鄰舟皆無姓何者乃移舟入深浦中翌日大風濤所泊舟皆沒唯何氏存叔父乃謂致雍曰我家世貧賤吾復老矣何僕射必汝也善自愛致雍後於湖南為節度判官會楚王洄自備號致雍為戶部侍郎翰林學士後楚王希範立復去帝號以致雍為節度判官檢校僕射

乘馬渡水

占 此夢主險難中得吉處夢飛渡登康衢為貴兆夢半渡而止有變更當細推以占

占 夢險中免難之夢也。來處可來。去處可去。諸禍得解矣。又為天赦之徵。

牛耕茂林中

占 此夢主往來危厲。無中生有。禍中生福之徵。雖小有可以成大。雖險中可以得安者。勤也。

牛背一羝羊

占 夢之者必有可恥之處。能飭治前人之敝端。整脩既往之差誤。振起將來之臨復。則吉矣。或曰。此盛饌之夢兆。必有佳餚美味之宴。

騎牛吉

占 夢裏騎牛何處去。隱居無事向王朝。馬背不如牛背便。功名那比孝名高。

牛作人言

占 此幽冥假借夢中以決狐疑也。凡夢之者。必當以所言推占。莫以他事而忽之也。

山東泰寧陳知縣夢三牛當道。作人立而言曰。莫殺我。明日果有病牛狀至。陳叱曰。汝有三牛何云。一牛。其人驚憚。即遣吏隨驗。果繫三牛。

牛生二尾 凶

占 立春在丑月之尾。雞鳴在丑時之尾。一尾變作二尾。是分開身後之體。損去人馬之物也。

周繆商于江湖。夢一牛有二尾。奔投水中。未幾。舟遇風溺。僅以身免。始悟牛二尾。為失字。洛州杜玄有牛一頭。玄甚憐之。夜夢見其牛有兩尾。以問占者李仙藥。仙藥曰。牛字有兩尾。失字也。經數日。果失之。

牛折一足

占 此有求未得之兆。危處安身之夢也。但能恐懼。終省。則緩中得吉。而嫁娶之難。不可免也。

乘馬借牛

外柔事物
其正也吉

牛頭流血 大吉

占 是夢也。陽決陰也。頭屬陽。血屬陰。流者決而出也。又盍針以發血。先成祭器之氣。大貴兆也。

蔣瑞見推之後。夜夢有一牛頭在門前流血滂沱。意其惡之。呼問占夢趙直直曰。夫見血者。事分明也。牛角及鼻公字之象。君位必當至三公。大吉之徵也。後果驗云。

牛撒尿 吉

占 夢此者事物值剛柔之際。周旋于艱阻之餘者也。有田土戶婚之事焉。有樽酒納約之物焉。有幸而無咎之祥焉。金庫在丑。尿者金之餘氣也。嘗有夢之而遇豬撒尿者。所事果吉。

牛伏戶外 凶

占 此有損無益之夢也。其驗必似吉而實凶。其人慾念室慾。則雖凶無咎矣。有一童子嘗夢此者。其家夢休玄解。長卜乙六畜。夢占。

占 有聘未娶。每有往來。必先夢此。既娶。歸寧又夢此。後以訟離別嫁。則夢牛去矣。

牛止于穴下 凶

占 夢之必有牢獄之事。作事有凶無吉。其人智且正。必能知敵。知敵而改。舍利從義。乃亨。

牛入寢室

占 惟武士夢此者得亨。其他貴賤貧富。有驗於同居者。有驗於日用者。皆有可配者。

羣牛下山 吉

占 此晚景榮華之夢。夢之者。涉遠無危。涉險得濟。又為卑以自牧之象。無往不利者也。

牛在高山頂上

占 夢此為凶。處有吉。危處有安。又有音信之事。其凶在草木。其吉在文辭。能謙以自警。无咎。

牛涉大水 吉

什融為司隸校尉時有京兆人董豐游學三年而返將宿妻家。是夜妻為賊所殺。妻兄疑豐殺之。送豐有司。豐不其是。原誣引殺妻。融察而異之。問曰。汝行此道。豈有怪異。及卜筮否。豐曰。初特發夜。夢乘馬南渡水。反而北渡。復自北而南。馬停水中。鞭策不去。漸而視之。見兩口在水下。馬左白而濕。右黑而燥。寤而心悸。竊以爲不祥。還之夜。復夢如視。問之筮者。筮者云。憂獄訟。遠三枕。避三沐。既至。妻爲具沐。夜投豐枕。豐記筮者之言。皆不從。妻乃自沐。枕枕而寢。融曰。吾知之矣。周易坎爲水。馬爲離。夢乘馬南渡。旋北而南者。從坎之離。三爻同變。變而成離。離爲中女。坎爲中男。兩目一夫之象。坎爲執法吏。吏誥其夫。婦人被流血而死。坎二陰一陽。離二陽一陰。相乘易位。離下坎上。既濟。文正遇之。因爻里有禮而生。無禮而死。馬左而濕。濕水也。左水右馬。馮字也。兩日昌字也。其馮昌殺之乎。於是推檢獲昌而誥之。昌其首服曰。本與其妻謀殺董豐。期以新沐枕枕爲驗。是以誤中婦人也。

乘馬入山凶

占 跨馬至深山崎嶇行路難奔馳入
幽谷一去後時還此夢非佳兆也

郡主簿張宅夢走馬上山還繞舍三周但見松栢
不知門處索純占曰馬屬火火禍也人上山為凶
字但見松栢墓門象也不知門處無門也三周
三恭也後三年必有大禍宅果以謀反伏誅
建州梨山廟土人云故相李回之廟回貶為建州
刺史後卒于臨川卒之久建安人咸夢回乘白馬
入梨山及凶問至因立祠焉

小兒乘馬

占 夢此自外來生男必貴顯夢此自內出
出主多事夢此一去不回者不祥

元劉述夢神人以馬送一兒乘至其家曰善
養之果生子名曰因字夢吉府聘為名儒云

馬舞舍丁凶

占 夢此必災禍至馬舞即止其禍小為口
占 爭鬪之事馬舞弗已必有大禍難解

黃平夢舍中馬舞數十人向馬拍手。問索統。統曰：馬者火也。乃為火起向馬拍手。救火人也。平未歸而火作。

馬嘶 貞吉

居官者夢之。主有人求薦舉。居家者夢之。主有客來相訪。當以其嘶鳴在何處占之。金勒馬嘶芳草地。此春遊樂事也。

三馬共一處

曹操聞司馬懿有復顧相。又嘗夢三馬同食一槽。甚惡焉。因謂至曰：司馬懿非人臣也。必預汝家事。後與師昭相次當國。竟遷魏鼎。

四馬六馬同駕 吉

占此大貴之夢兆。而貧賤者夢之。雖在難之中亦無患。乃駕車安行之象也。

萬馬

貞吉
否凶

占 夢此者主心事不寧家門駁雜須靜
以鎮之安以待之勿輕舉妄動則吉

洗馬

占 求利者夢之吉處見災殃災殃亦無妨求名
者夢之難處見吉祥吉祥不可量日是官名

威遠軍小將梅伯成善占夢有優人李伯憐遊涇
州乞錢得米百斛及歸令弟取之遇期不至夜夢
洗白馬訪伯成古之伯成子思曰凡鄆人好反語
洗白馬濕白米也君所憂或有風水之虞乎數日
弟至果曾於
渭河中覆舟

飲馬

吉

占 夢此者諸事得濟更得其所憑依上下相
相和前後相益出言信而人心服者

馬無凶

凶

占 馬非四足不能行。夢寐憂疑見此形。夢無前足前難守。夢無後足後難停。只爲立身無四正。乖邪躁

日 妄少安寧。縱然富貴不常享。他日遭殃喪此生。朱少卿少貧賤。客于成都。夢有一人自外牽馬一疋。直入云。少卿領取。朱視之。其馬無前足。步步側蹶。側而前來。其狀苦楚。朱大驚而覺。常自惡之。後蜀王開國。有親知引薦。累至司農少卿。無何。膝上患癢。雙足自膝下俱落。痛苦經旬。以五月五日卒。

駒吉

占 夢此爲少陽之象。爲富貴之徵。有作事成。日 家之會有出行。康泰之幾。生男必俊。

驢驪

占 夢此者與夢馬相似。但夢驢主官事。日 夢驢主貨利之事。爲多勞而無還也。

乘驪

貞吉 否凶

占 此夢有多累之象。而歷涉艱辛。自有佳祥在後。日。安居無事。不無危厲於目前。軍中不宜奏此。

乘驢

衛中行爲中書。人有故舊子弟赴選。投衛論囑。忽乘驢渡水。厥墜水中。登岸而靴不濕。及踏出。還事不諧。此厥墜之驗也。

張鷟字文成。夢着緋乘驢。夢中自怪。我當乘馬。何爲衣緋却乘驢。其年應舉及第。授鴻臚丞。未經考滿而授職五品。此其瑞兆也。

夢林玄解卷之十九

夢林玄解卷之二十

夢占

飛走部二

羽族

水族

昆蟲

〇〇〇羽族

青鸞來自雲中 吉

占

青鸞鳳屬西王母所乘者夢此為壽徵必壯者瑞占
古稱而素老墓高年者過斯願而此獲終見孫殿
綵子女稱觴共祝長生之慶也

鵬飛過海 大吉

占

莊子曰鵬之背不知其幾千里扶搖而上不知其
幾萬里其為鳥也至大矣夢飛過海者應誠蒙
鉄賜不拘常式仕宦受特恩破格陞遷特帥用
兵立功於絕域商賈驛販獲利於遠方若胎孕夢

夢林玄解

卷之二十

羽族

六

夢占

此主生出類拔萃之人。建經天緯地之業。

跨鵬飛上天

沈晦赴省。至天長道中。夢身跨大鵬。搏風而上。因作大鵬賦以紀其事。宣和間。果魁天下。

金翅鳥 吉

占 金翅鳥。鵬屬。夢此者為貴顯之徵。又人各揚名。處武士威震華夷。應舉夢之。當大魁天下。生子豪之。曰必高出。人問。

鳥食龍蛇 凶

南齊世祖夢金翅鳥下殿庭。搏食小龍無數。乃飛上天。時第二十三子南郡王于夏初生。最幼。後明帝七年。于夏誅。年甫七歲耳。

紫翎文鳥降于庭 吉

唐張鷟為兒童時。夢紫色大鳥。五彩成文。降于家
庭。其祖問之曰。五色彩文者。鳳鳥也。紫色者。鸞也。
也。鷟驚為鳳凰之佐。吾兒當以文章顯于明庭。名
之曰鷟。字曰文成。長登進士第。人稱頌之曰。張子
之文。如青錢萬選。日為青錢學士。天后時。中使馬
仙童陷諸默啜。默啜問仙童曰。張文成在否。國有
此人。而不能用。無能為也。暹羅日本諸東蕃。
尤重之。必厚金貝以購其文。才名遠播如此。
新喻蕭克翁。隱居不仕。夜夢大鳥止其所居。翼覆
軒。舉家驚異。視之冲天而去。明日李求魯。至。州
鄧之順陽人。居謙之子也。居謙辟掾江西。以家自
隨。生。州。江舟中。釜鳴者三。人以為異。居謙沒家
益落。洲。自順陽復往江西。從學于克翁。克翁樂育
之。洲初名思溫。字伯和。克翁易其名曰洲。字曰子
鸞。竟以文學名世。為翰林
侍講。參知政事。諡文靖公。

鳥飛入口中 吉

晉羅含幼孤。為叔母朱氏所養。嘗畫臥。夢一鳥。文
彩異常。飛入口中。因驚起。說之。朱氏曰。鳥有文彩。

汝後必有文章自此後藻思日新仕為江夏從事
太守謝尚曰可謂湘中之琳瑯後補桓溫參軍或
謂劉荆楚之才溫曰此自江左之秀豈惟荆楚而已

鵬在雲端

占 鵬驚鳥也。謂可為箭在雲端者為高飛遠舉之象
書生夢此前程遠大仕宦夢此功業崇高行師用
兵夢此威武奮揚
無亡矢遺鏃之費

射鵬

大吉

占 非寶弓不能射非絕技不能中夢射鵬者文人每
飾馬之志也鰲頭獨占武士存擒虎之勇露土分封
日 凡事夢此
利名兼得

鶚集于屋

吉

占 鶚大鳥也。有凌霄搏空之勢集于屋者自天而降
也仕宦夢此居官則敢言而被斥居鄉則獨立而

日 不羣尋常夢此有交游主貴
人入宅若分姚主貴子臨盆

白鶴 大吉

占 高潔之物為一品文臣之服色。居官者夢此位至
三公。居家者夢此壽踰百歲。修真者夢此心有天
仙降臨。可從行化。懷孕者夢
此主有貴子誕生。可望顯榮。

玄鶴黃鶴 吉

占 鶴五百歲而黃。千歲而玄。夢此者為長年之瑞。鶴
髮雙親壽比南山。而有慶。玄端大老。福如東海。
日 以無疆。修煉者夢之主
真仙來度。白日飛昇。

駕鶴冲天

李抱真以司空平章事。居重鎮。晚節好方士。謂不
死藥可致。有孫季長者為鍊金丹。且曰。服此當成
仙去。抱真表署幕府。見親信夜夢駕鶴冲天。乃刻
木鶴。衣羽衣。以習乘之。凡服丹二萬丸。腹堅不食。

將死道士牛玄以猪肪穀漆下之。少間。刺長日。垂上得仙。何自棄也。益服三千丸而化。

鶴飛去 凶

宋歐陽脩字永叔。在夷陵遊姜詩廟。潛禱嗣續。其家人夢一鶴飛來。自云雌鶴。果育一女。甚端麗。至八歲。忽夢一鶴飛去。未及旬。此女暴疾卒。

鶴營巢 大吉

占 鶴水鳥似鶴者也。營巢為成家之象。得此夢者。主富貴之瑞。雀千倉。萬石。家藏金穴。三台八座。位權大臣。孕育夢此。生子為命世賢才。億兆瞻仰。易曰。大觀在上。中正以觀天下。

鷺在河梁

貞吉 否凶

占 鷺。禿鷺也。以魚為食。在梁則既飽而游樂矣。夢此者。主有小人得寵。富貴而驕奢。君子遭讒。貶斥而疏遠。惟鎮靜以持身。淡泊以明志。則吉。

錦雞集團林 吉

占 錦雞。即雉也。有文彩似錦。集團林者。為安居得所之象。仕宦夢此。官至二品。應其服色。鄉試夢此。中在酉科。肖其本宮。○書生夢此。斐然成章。添丁夢此。卓哉奇物。

金雞 大吉

占 西方之昴宿也。夢見其形者。位列朝班。夢聞其聲者。名滿天下。夢吞之者。生子極貴。遼史曰。聖宗皇后蕭氏。夢拂承天太后榻。獲金雞吞之。是生興宗。

翠雞化鶚

西子之生也。其母夢有翠雞五色。自空而下。久之化為鶚而飛去。西施之美麗。又教以歌舞。翠雞之五色也。興越亡吳。范蠡扁舟載之以遊。化鶚而高飛也。孰謂夢之無徵哉。

射雉 吉

雄文明之物。雄者善鬪。夢射雉者。為所舉得人之兆。知貢舉者夢此。必得錦心繡口之佳士。司武選者夢此。必得智謀忠勇之英雄。功勳鑄於鼎鐘。聲名垂於竹帛。易曰。射雉一矢亡。終以譽命。

孔雀舞于庭 吉

占 孔雀文禽也。為三品官職之服色。夢舞于庭者。仕宦位至卿佐。婚嫁必顯貴。胎孕主生文華之士。此充是缺之屬而已。南齊世祖未遇時。夢着孔雀羽衣。夷溫曰。雀爵位也。羽為衣。文彩者也。得袞服之象。

孔雀銜花 吉

占 花美麗之物也。孔雀非凡鳥也。夢孔雀銜花。美麗而榮貴也。懷孕生女。必美而貴。但以所銜之花是何種類。占其品格。

賈雲華為賈平章女。其母邢國夫人莫氏。夢孔雀銜牡丹蕊。寘於懷中而生。生而聰慧。姿色絕人。後

嫁為雞
贈妻云。

赤雀銜丹書 大吉

占 此聖王之瑞。受命之符也。夢此者德造其極。天降之福。化家為國。子孫千億。宜君宜王。萬壽無疆。西伯事殷。自程徙鄆。夢赤雀銜丹書入鄆。止於其居。此文王之至德。與周之吉兆。

雁入雲中 貞吉 否凶

占 是夢也。士人得之。姓各標雁塔。常人得之。兄弟登雲路。若望行人。音書未至。寄遠信。阻隔難通。秋冬夢此。有吉無凶。春夏夢此。多凶少吉。

鴻雁來庭院 吉

占 得此夢者。主音書遠至。賓客相訪之兆。深閨寂寞。夢此聊遣愁懷。寒舍淒涼。夢此將生談笑。未嫁娶者。夢之為異。雁之徵。佳期有在。

射中飛鴻

大吉

占 飛鴻者。禽也。弓矢者。器也。射之而中者。人也。此夢為藏器於身。待時而動。獲之無不利之兆。文士高。中魁元。鴻名揚海宇。武臣斬獲敵首。鴻業滿邊。睡。居官者夢此。三品有備。居家夢此。五味得宜。

鶴雁來迎

宋邵康節有疾晝寢。覺而謂衆曰。吾夢旌旗。鶴雁自天而下引導。吾神往矣。無以藥相逼也。

黃鵠高飛

吉

占 得此夢者。為奮揚冲舉之兆。文人飛騰上達。平地升天。武士勤勞遠征。柳風沐雨。婦女懷孕夢之。生男必有。大志。

白鵠

吉

占 五品文臣之服色也。選舉夢此。職居州牧。陞遷夢此。位列大夫。若春夢之為佳。享白髮安閑之福。少。

日 者夢之不美。存
印印開。遇之憂。

白鷺于雲 吉

占 夢此者。為青雲得路之兆。書生學問日進。才智遇
人。舉于文章。高妙功名唾手。凡事通達。吉無不利。

鴻鵠雙飛 吉

占 翡翠之屬。為七品文官之服色。夢此者。已貴降階
文林郎。初任授職縣邑長。胎孕夢之。主雙生。不問
男女。俱秀而美。商賈夢之。獲
珍奇。無論多少。賈高而貴。

鵲 貞吉 否凶

占 詩云。鵲之奔奔。居有常匹。飛則相隨之鳥也。八品
文臣以為服飾。夢是鳥者。動作有禮。進退有度。周
旋出入。不踰規矩。無忝於佐貳之
職。生。常人夢之。主有官司之事。

練雀 貞吉 否凶

夢占

羽族

、

夢占

占 小鳥而長尾者為九品官寮之服飾應選夢此職授州縣佐貳詞訟夢此事在署衙有司若尋常夢之主有孝服不
過莽功總麻

倉庚鳴樹上 吉

占 倉庚黃鵪也當春始鳴其聲清和婉轉夢鳴樹上者主遷移之吉兆詩云出自幽谷遷于喬木是也
日 女子夢此必勤於機杼交交時作弄機聲其斯之謂與

燕舞梁間 大吉

占 得此夢者為燕會喜樂之兆久旱逢甘雨他鄉遇故知洞房花燭夜金榜掛名時其此之謂乎行人
日 夢此得歸病人夢此得起孕者夢此生男困者夢此得利

燕巢林木 凶

占 燕子依人營壘于簷下或堂前夢巢林木者甚非吉兆恐有兵火之災室廬荒廢敗亡之禍棟宇傾

曰 頤。春社後夢此大山。

秋社後夢此猶可。

白燕入懷中 大吉

占 燕玄鳥也。白者為奇。夢入懷中。主有非常之喜。凡事皆吉。孕婦夢此。無論弄璋弄瓦。俱主大富大貴。唐張說母夢玉燕自西南飛來。投入懷中。而生說。開元中為中書令。封燕國公。

赤烏三足 吉

占 太陽之精。君象也。夢此者為貴徵。仕官日觀天顏。孕育誕生大貴。久雨雲開見日。久約否極泰來。久病災消福至。○若夢赤烏無足。或一足兩足飛入室者。須防火災。

赤烏若龍戲已

豐公姓劉氏。家于沛之豐邑中陽里。其妻夢赤烏若龍戲已而生執嘉。是為太公。太公生沛公。諱羽。後為漢王。即帝位。尊太公為太上皇。

白鳥

貞吉
否凶

占 鳥無純白者。夢中所見之幻形耳。有喪服者為佳。兆有疾病者為凶兆。貧乏夢此得財。屈辱夢此得

白。懷孕夢此。生子賢孝。

羣鳥聚集

貞吉
否凶

占 此羣小鳥合之兆。宜細推占。夢鳥集屋上。主寇盜主發。夢鳥集庭中。主官司爭訟。夢鳥集林木。仇讐欲報怨。夢鳥集曠野。出行防剽掠。凡事謹慎為上。

身化為鳥

貞吉
否凶

占 詩云。瞻鳥爰止。于誰之屋。夢身為鳥者。當詳其所止處耳。得所止則吉。不得所止則凶。春秋時宋景公無子。取公孫周之子。得與戲。黃於公宮。未立。景公辛太尹立。啟矣。得夢啟。北首而立。於盧門之外。已為鳥而集於其上。味加於南門。尾加於桐門。得曰。余夢美。必立。六卿謀立。得。是為宋

昭公。太尹奉
爵以奔楚。

烏鴉銜物於庭前

占 此夢凶多吉少。烏鴉不祥之鳥。銜物於庭前。必其
家禍福。以此預報也。當以所銜何物占之。善物主
日 吉。惡物

主凶。

徐子木少時。嘗夢烏從天下。銜長柄傘樹其庭前。
後上天銜三傘下。凡樹三傘竟。烏大鳴作惡聲而
去。徐後果
以惡終。

慈烏反哺 大吉

慈烏。孝鳥也。母老病。則反哺之。夢此者。主有仁孝
之子。竭力奉養。賢淑之女。盡禮歸寧。老者安全。少
者和順。篤恩敦
義之休徵也。

鵲成巢 大吉

占 鵲善為巢。其巢最為完固。詩云。維鵲有巢。維鳩居之。得此夢者。主創造屋宇。存肯堂肯構之佳兆。結姻親。有九儀十儀之良緣。家室豐盈。琴瑟和調之吉兆也。

簷前鵲噪 大吉

占 是夢也。為喜慶之光。士子應試。必得捷報。作人處世。必得佳音。婚姻得諧。秦晉胎孕。必產寧馨。尋常夢此。主有嘉客相訪。或親朋見招。或禮儀來貺。凡事皆吉。

雌鳩和鳴 吉

占 雌鳩。水鳥也。生有定偶。而不相離。偶常並遊而不相狎。夢其和鳴者。主有婚姻嫁娶之事。淑女得配君子。才子必得佳人。交相敬愛。如兄如弟。偕老百年者也。詩云。關關雎鳩。在河之洲。窈窕淑女。君子好逑。此夢之謂歟。

鴛鴦戲水 吉

占 鴛鴦，匹鳥也。戲水為喜，樂之兆。得此夢者，主婚姻和合，室家歡慶。若夢其棲止者，福壽駢臻之瑞。餘詩云：鴛鴦在梁，戔其左翼。君子萬年，宜其遐福。此之謂也。

鳧鷖在水中

占 鳧與鷖，皆水鳥也。在水中為得所，然鳧鷖者，巫醫也。得此夢者，學業未成，當作巫醫。疾病未愈，宜事巫醫者，必誠信也。

鳧飛入宅 凶

占 鳧，水鳥如鴨者。夢飛入宅，大非吉兆。主有官符病符之患，官符為飛來之禍，事涉誣陷，病符得外感之疾，祿神祝忌神。

水鷗來往

占 是夢也。居官者宜解綬致仕。告老歸田，居家者宜奉養友于，敦睦和順。詩云：紗帽閑眠對水鷗。又云：

日 相親相近水中
鷗其此之謂乎

鷗鳩 吉

占 布殺也。一名戴勝。夢此主連姻大族。有稱盈門產育多男。其儀正國。久旱夢此必雨。久雨夢此得晴。農人及時播種。行旅趁早回還。苦出軍爭訟者。夢之有戴勝者大勝。

鷗鳴

占 鷗伯勞也。五月始鳴。一陰方長之候也。夢此者恐有小人陵君子。妾婦乘其夫。夷狄侵中國。苦婦女秋間夢之。宜勤於機杼。以為禦寒之計。

鸚鵡傳言

占 記曰。鸚鵡能言。不離飛鳥。得此夢者。必有巧言令色之徒。亂我聰明。或長舌之婦。簧鼓耳目。凡非禮非義之事。一切勿視勿聽。則心正而身修。家齊而國治矣。

鸚鵡折翼

唐則天后夢一鸚鵡羽毛甚偉兩翅俱折以問宰相內史狄仁傑曰鸚鵡者陛下姓也兩翅折者陛下二子廬陵相王也陛下起此二子兩翅全矣武承嗣武三思面項皆赤後契丹圍幽州微朝廷曰還我廬陵相王來則天乃憶狄公之言曰卿曾為我占夢今乃應矣朕欲立太子何者為得傑曰陛下內有賢子外有賢姪取舍詳擇斷在聖衷則天曰我自有聖子承嗣二思是何疥癬承嗣等懼掩耳而走即降敕追廬陵立為太子充元帥初募兵無有應者聞太子行北邙山頭皆兵滿無容人處賊散自退

白鸚鵡飛舞吉

觀音蓮座前有此珍禽夢其飛舞者必樂善好施長齋持戒敬事三寶信受奉行者也夢之則見性明心下悟色空境界參禪得道証入妙覺法門

鷹 大吉

占 鷂鳥也。孟秋乃祭鳥以報天。仲春則化為鳩。仕官妻此。將帥行師。張威武奮揚之勢。官僚職任。掌郊社祭祀之儀。家居夢此。祭藏有餘。將鳩上而聚聚。室廬不穽。欲革旋而鼎新。

鷹搏雀 吉

占 是夢也。國家得驍將。戰勝攻取。軍門得勇士。所寇補亡。尋常得童僕。趨走承順。胎孕生英傑。中舉飛騰。求名求利。出行詞訟。凡事皆吉。

鷓展翅

貞吉 否凶

占 鷓鷀鳥也。展翅為奮擊之象。得此夢者。文臣將除害去惡。武帥主北伐西征。求名者得。咎其不能求利。者必滿其願。欲若小人非為者。夢此。難免緝捕拷掠之禍。

鷓 吉

占 鷦鷯。能高飛遠舉。夢此禽者。文人養其羽翼。上薄雲漢。武士露其爪牙。奮揚邊疆。山林隱逸之賢。天機活潑。怡然自適。帷房誕生之子。狀貌奇偉。卓爾不凡。

鷦鷯 凶

占 夜鳴求旦之鳥也。夢此者。主憂勤之兆。事在忙迫。欲反夜而作晝。心懷愁苦。嫌漏永而更長。或官府催督。或寇賊侵凌。或疾病死喪。危急。有坐以待旦。寢不安席之象。

鷦鷯入室

占 鷦鷯。海鳥也。入室者。怪異之兆。夢此者。主有禱祠。祭祀之事。風水不利。人口不寧。修德以感之。祈神以禳之。庶幾轉禍為福。

鷦鷯棲樹 吉

占 鷦鷯。小鳥也。所棲不過一枝。得此夢者。文士有貴人提拔。加官進祿。常人富有富翁接引。樂業安居。流

日

離患難者夢此。亦有親族依傍終得寧家。

鵲

俗名鵲

日

弄舌之鳥也。夢此者憂喜不一之兆。或先憂後樂。或樂極生悲。易曰。先號咷而後笑。又曰。或泣或歌。是夢之謂也。春夏夢之多吉。秋冬夢之多凶。

鵲在田野

日

鵲飛則鳴。行則搖。有舍皇不安之意。有憂戚未計之貌。夢此主兄弟急難。情義迫切。分痛以念同胞。分憂以恤手足。則友于之誼篤。敬共之道得矣。

子規月下啼

日

子規。杜鵑也。夢啼月下者。旅人有故鄉之思。亟整行李。蠶婦育葉稀之想。載取桑條。惟富貴之家。宴樂歌舞。通宵而未歸也。

黃雀 吉

占 雀爵同。夢是鳥者。有爵位之瑞徵也。始仕者得授爵。已仕者必晉秩。無論正途異途。登仕籍者。俱加爵蒙恩榮寵貴顯。但致仕告老者。不宜夢此。恐有辭世歸山之兆。如雀之入水為蛤云。

瓦雀 俗稱麻雀以其巢于瓦間故名

占 此小人成羣之象。凡夢之者。持身以正。接物以嚴。雖遇羣小。不至於見怒也。若有田疇倉庫者。夢此須防盜竊之人。然所損不多。亦無大害。

鵲鳥 凶

占 詩云。肅肅鵲羽。集于苞栩。王事靡盬。不遑蓺稷黍。夢此主征役遠行。田疇荒廢。不得仰事俯育之兆。若婦女夢之。必有私情可醜之態。婚姻夢之。不可戒。其女必不貞良。

鵲 凶

占 鵩 鵩惡鳥也。居官夢此。必遭讒謗。居家夢此。必見侵陵。父子分離。兄弟乖戾。夫妻反目。骨肉參商。凡事夢之。大不祥之兆也。急宜解禳。

鵬 俗名 凶

占 怪鳥也。晝伏不見。鳴於將旦將夜之時。夢聞其音者。主死喪之事。夢見其形者。主夭折之禍。但夢此之後。既見凶喪。則无咎矣。

鵲 蚌相持 吉

占 夢此主利名兼得之兆。隣近有交爭者。兩不相下。當觀變而動。見可而進。必併取而盡有之。語云。適人得利。此之謂也。

○○○ 水族

騰蛟 大吉

占 雉與蛇合而生蛟。蛟得雷雨。則非池中之物。此夢主變化飛騰。身顯名揚之象。文學登高第。將軍建大功。老年生貴子。早賤遇王公。

蛟龍入懷 吉

占 得此夢者。學貫天人。名播宇宙。傳千載之道脈。爲一代之儒宗。非尋常淺陋士也。漢趙仲舒夢此而作春秋繁露。

蛇化蛟 大吉

占 是夢也。主平地升天。駭世驚人之兆。士人夢此。脫白掛綠。女子夢此。因賤致貴。尋常夢此。必有意外之遭逢。不期之際會。大喜過望。

蛻蛻降于池 吉

吳澄字幼清。崇仁人。溼生前一名。鄰姐夢有物蛻蛻。降其舍旁池中。

蜃 貞吉

占 蛟屬。雄入大水為蜃者即此。凡夢之者。彙傑未遇。當稱光養。蜃土人下第。宜歛跡藏修。一朝際會。展雲指日飛騰霄漢。若欲速。則不達也。

龜曝日 大吉

占 龜介蟲之大者也。曝日為面君之象。得此夢者。當試主中樞。首廷試。必為狀頭。仕宦特沐寵恩。告老得蒙存問。若夢孕夢此。主生文墨之子。大魁天下。

龜齧足

占 此涉險遇傷之兆也。壯士夢此。不宜帶水馮河。商旅夢此。不宜渡江泛海。凡出行遠遊者。陸路為吉。水路可虞。若家居夢之。主得異味飲食。或有貴人需索。

鼃 吉

占

鼈似蜥蜴。長丈餘。以其皮建鼓。聲聞百里。夢此者。夫人姓楊。野。武士威震華夷。胎孕夢之。主生文

大龜

似龜。非龜者。

嘉定中。譚思通。翔。名崇壽。鑿井得木佛。金粉。望。模刻宛然。因大拓規模。名靜信寺。像設未備。忽一夕。夢大龜云。願以身嚴佛像。翌日見一大龜。引六龜乘潮至。浮于蜺浦之上。思通嘆曰。吾安忍害物命。以營繕乎。遂縱于海。未幾。崇明州施光遠者。亦感是夢。遂取殺之。得玳瑁鬚錢。詣譚氏。以成佛像。光遠者。思通之姻也。二人會次言之。若合符節。今寺勒石以記。

鰲魚

貞吉 否凶

海中極大之鼈也。士人夢此主登科。武將夢此主出塞。孕婦夢此生貴子。尋常夢之。凡百煎熬諸事。不寧。

占

鯉魚 貞吉

占 兇暴之物。爲民害者也。出行夢此。陸路無險阻。商旅夢此。河海有災。連仕宦夢此。主有潮州之任。必如韓昌黎之守。

正不阿。始得。

鯉魚 吉

占 北溟有魚。其名爲鯉。鯉之大。諸魚莫能及也。文人夢此。聲名洋溢於海表。武士夢此。威令震懾於邊方。生男兆此。其出定不凡。橫絕一世。

鯨魚 貞吉

占 海中長鯨也。其音如洪鐘。凡夢此者。問行人。主有遠信。求功名。必得好音。若不顧禮義而懷異志。妄有所作爲者。不能善終。

鯉魚 大吉

占 此化龍魚也。無論大小。從首至尾直數。凡三十六鱗。謂之六六魚。夢是魚者。為能變化之兆。書生龍門高跳。仕宦。厥闕先登。胎孕夢此。必生異常之人。卓然名世。凡事物之數。應在四九。

鱗魴 大吉

占 鱗似鱗而鱗細。魴似鱗而身廣。夢此魚者。主得見尊貴之象。元宰勳臣。巡行於此地。公孤碩輔。鎮守於是。邦喜其來。而悲其晚。願其留而憂其去也。詩云。九罭之魚。鱗魴。我觀之子。衮衣繡裳。

鱣 吉

占 鱣魚似龍。鱣似鱣而小。夢此為嫁娶之佳兆。富貴之家。得正嫡。姬姜之美。有衆賡姪。婦之多。所謂百兩迎之。爛其盈門者是也。

魴 貞吉 否凶

占 魴身廣而薄。其鱗細。魴或謂之魴。夢此為帷箔不修之兆。婦人無母儀。出入不謹。女子少閨訓。舉止

曰 無恒操紀綱者以禮防閑之庶幾有節矣。

嘉魚 吉

占 鯉質。鱗鯽肌。出於沔南之丙穴。夢此主宴樂之兆。旨酒佳餚。親朋共為酬酢。華筵盛饌。賓主相與周旋。詩云。南有嘉魚。烝然罩罩。君于有酒。嘉賓式燕以樂。

魚求去釣鉤 吉

漢原人釣魚於昆明池。綸絕而去。武帝夢魚求去。其釣越二日而帝出狩。戲遊池上。見大魚銜素。帝曰。豈朕昨所夢耶。乃命吏取魚。去其鉤而放之。帝後復遊池浜。得明珠一雙。曰。是昔魚之報耳。

釣得大魚 吉

占 魚。陰物也。夢釣得其大者。為連姻巨室之兆。娶妻必得貴家之女。納寵必逢舊族之人。求財定能稱心。謀望自然如意。

魚在藻 吉

占 是夢也。書生得之。為文藻思勃發。詩貴魚水相投。仕宦得之。思直魚頭骨。鯁。榮華藻服。章若至尊。夢此為宴樂之象。詩曰。魚在在藻。有頌其首。王在在鎬。豈樂飲酒。其此之謂乎。

魚飛在天 大吉

占 魚大有力能飛。在天為化龍之象。得此夢者。文人飛黃騰踏。將士耀武揚威。凡庸之人。亦有非常奇遇。孕者生子。必然超出等倫。佳兆也。

魚變為人

左賢王劉豹妻呼延氏。祈子於龍門。俄而見一大魚。頂有二角。軒鬚躍鱗而至。祭所。久之乃去。其夜夢此魚變而為人。左手把一物。大如半雞子。光影非常。授呼延氏曰。此是日精。服之生貴子。寤而告豹。豹曰。吉祥也。自是十三月而生子。左手有文曰淵。遂以名焉。至晉永興初。稱帝。都平陽。

人惠魚 吉

占 魚美味也。夢人惠者為雅昵。主喜慶之兆。活
日 魚得財帛。腥魚得飲食。乾魚得羨餘之利。

舉網得魚 大吉

占 夢此為網舉目張。網羅英賢之象。朝廷政事精
日 明。官吏法度嚴整。設科取士。得經濟之才。分職任
人。獲治理之效。尋常夢之。不過酒食。

魚食蒲

秦主苻生。夢大魚食蒲。又長安謠曰。東海大魚化
為龍。問在何所。洛城東。蒲苻氏故姓也。東海苻堅
所封也。堅時為龍驤將軍。其地在洛陽之東。此堅
將王秦之徵也。苻生不知是堅。以謠夢之故。殺其
侍中
魚運。

魚食稻禾 凶

占 是夢也主大水為災之兆歲時荒歉民人飢
困若豐年夢之恐有寇盜生發妨害農事

魚齧人凶

唐河東柳沂僑居洛陽因乘春釣伊水得巨魚置盆水中沂有嬰兒始齔齡是夕沂夢魚以齧嬰兒之腹沂驚寤兒亦夢大魚齧臍痛不可忍而啼沂視兒臍果有瘡血沂懼及旦以魚投伊水兒瘡乃愈沂遂誓不復釣

大魚躍水盆中

胡寅字明仲安國弟之子寅將生其母以多男欲不舉安國妻夢大魚躍水盆中急往取而子之為

鼈 俗名團魚

占 鼈為介蟲之類於易卦屬離鯉魚見露而飛升遇鼈則止夢此為遠巡畏縮之象作事退怯而不前

夢林玄解

卷二十一 水族

七

夢占

日 戰陣懦弱而無勇。惟家居夢之則吉。主骨肉團圓。男女有別之兆。

能三足 吉

占 水府之使也。龍行取水。能則為之前驅。武士夢此。出征為先鋒。書生夢此。小試當前。商旅出行。夢此。涉歷江河。無險阻之危。

黃甲蟹 貞吉

占 黃色似金。甲有科甲。甲兵二義。士人夢之。各登金榜。武將夢之。威著虜庭。若疾病詞訟。夢之。必主解散。交易婚姻。夢之。必主難成。

蟹去足 吉

一士人赴省應試。夢得蟹而去其足。以問占者。曰。蟹去足。乃解字也。當為解元。及榜出。果然第一。

蟹滿田原 貞吉

占 蟹為甲冑橫行之象。滿田原者。乃眾多之兆。夢此主兵戈擾攘。寇盜縱橫。有國家者。當修城郭。繕器械。嚴武備。以預防之。

蜚蠊一名凶

占 似蟹而小。主江濱。凡夢之者。甚非吉兆。疾病夢此。主彭脹。喉吐。詞訟夢此。主越詎欺凌。若有兵僭而作威福者。夢此當思進退之戒。

蚌吉

占 中虛而外堅。得離之象。夢之者。凡事和合。婚姻為天然佳配。必生賢嗣。若殼厚小而孔多者。為石映則夢此。主報日光明。顯神清爽。

蛤蜊

占 蛤者。合也。蜊者。利也。商賈夢此。合本多利。兄弟夢此。分產無成。出行夢此。有伴為良。婚姻夢此。得就

日

為美凡夢之者
宜合不宜分也

蜺蜺

占

三物俱全蟲之微者蜺有行險之義蜺有瞋怒之義
此者或貨財以除貪戒怒氣以除瞋戒酒色以除痴則出迷入悟矣

鰻吉

占

無鱗魚也夢此為柔膩滑澤之象買婢妾主肥豐
體膩得童僕主賢媚性柔凡事凡物流利而不滯
滯光澤而不枯槁勞瘵者夢之其病必愈

鰻躍水中

吉

占

得此夢者書士有秋試之捷詩客騷人有秋
氣之悲耕夫農叟有秋成之望出行夢此至秋而
回疾病夢此交秋而瘳凡事遇合必待秋而始定也

鱗魚 貞吉

占 語云。一善能除百惡。凡夢鱗魚者。主有善心生。放生戒殺。宗如來之教。必有善人遇。還善改過。誦孔子之書。若小人無忌憚者。夢之恣口腹之欲。為善柔之損。不能遇惡而揚善也。

蝦 凶

占 蝦為虛假之象。又為遐遠之義。夢此者。主五穀不實。凡事渺茫。○夢蝦青者。主多鬚之人。鞠躬盡禮。赤者。主好酒之徒。大醉失儀。白者。主孝服之女。于求處事。

蝦蟇 吉

占 蟾蜍之類。俗稱賴黑麻。夢此主有醜貌之人來見。因其可用而用之。亦能成事。若三足者。為月宮之蟾。書生夢之登第。羽士夢之成仙。

蛙 貞吉

夢林玄解 卷二十一 水族 九 夢占

占 蛙產於田野之間。水澤漲滿則此物蕃息。其聲聒耳。得此夢者。為鼓樂喧填之兆。主有喜慶之事。居官臨民者。夢之。疑獄得決。寃罪辨明。

〇〇〇 昆蟲

虺蛇 吉

占 詩云。維虺維蛇。女子之祥。虺蛇陰物穴處。曰 柔弱隱伏。凡夢之者。生女必賢。且得貴壻。

黃蛇 亘天

秦文公東獵于汧渭之間。卜居兆吉。問史敦曰。夢黃蛇亘天。而下屬地。其口止於鄭衍。敦曰。此上帝之符。君其祠之。于是作鄭時。用三牲祭白帝焉。後沛公斬大蛇。有嫗哭白帝子。

天誅大蛇

晉文公出畋。前驅還曰。前有大蛇。其高若堤。橫道而處如拱。文公退而修政。使吏守蛇。居三日。夢天

誅蛇曰爾何敢當聖君之路文公覺令人視之。守蛇吏曰夢天殺蛇曰何敢當晉君道覺而視蛇蛇已死其令人視之蛇已魚爛矣。此晉文脩德動天而成霸業也。

脚踏蛇 吉

隨侯往齊道逢一蛇頭有血以藥傅之而去夜夢脚踏此蛇驚覺乃得雙明珠。

蛇生足 凶

占 東平劉楨字公幹夢蛇生四足穴居門中使周宣占之宣曰此爲國憂非君家之事也當殺女子而作賊者頃之女賊鄭姜遂俱夷討以蛇女子之祥足非蛇之所宜有故也後楨以不敬伏誅。

蛇繞于身 吉

李雄母羅氏夢及水忽如寐有大蛇繞身懷孕十四月而生雄雄得蜀土僭稱帝號。唐琮夢蛇繞身遂效其形作草蛇之畫。

五代范延光為天雄軍節度使。夢大蛇自臍入其腹。半入而掣去之。以問門下衛士張生。對曰。蛇龍類也。龍入腹中。王者之兆。范頗蓄異志。及降晉。以見疑。不能容。而為楊光遠所讎。推墮水以溺死。

羣蛇緣城四出 凶

南史曰。齊始安王遙光舉事四日而敗。城內人皆夢羣蛇緣城四出。

蝟攻穴破城

占曰。此夢主寇盜作亂之象。其禍不小。而出行在道途。夢之反為得財。病人夢之。虫傷胃也。

北齊河清末。武成帝高湛夢大蝟攻破鄴城。故索境內蝟膏以絕之。不知後主名緯。聲音與蝟相感。乃一齊之故也。

蝟形似龍 大吉

占曰。蝟來蛇螫。皆除毒。夢之果係辟羣姦。此身受壽。朝天子。馳驟蝟頭在眼前。

田鼠食粟

占 此主他人之福。非已有也。但已見之耳。其
日 驗在流離顛沛之人。凡夢田鼠皆吉。无咎。

黃鼠

鼠即黃鼠狼。又曰黃
鼠狼。又名黃鼠。

占 似鼠非鼠。似狼非狼。諸鳥及雞鴨無不畏之。
日 而其畏猶畏犬如畏虎。凡夢之者凶中得吉。

寶曆士人黃登。同數人在吉州神岡山廟祈夢。不寐。餘皆熟睡。少頃皆覺。皆呼曰打打。問之云。黃鼠狼過江也。登乃子生。姓又合。私自喜。是年得第。

白鼠

吉

占 此主積財致富之夢。鼠自外來。主得外
日 財。自內出。主交易。伏而不動。有得無失。

鼠伏蓋下

占 夢此主逃竄之兆。富貴安居。則有小人隱蔽。
日 不可不察也。驚中火。驚之。速向西南。遷去吉。

鼠忽死 凶

占 鼠屬子。為百物之始。羣生莫小焉。為人父而
曰 夢此。嗚呼。其子亡乎。無子者夢之。則其符也。

鼠入衣下

齊東野語。后。孕。夢城。博
陵二王。夢鼠入衣下。

鼯鼠大如犬 凶

占 此夢為易卦晉之剝。易曰。晉如鼯鼠。貞厲。位
曰 不當也。蓋夢此者。自大白剛。雖正亦危道也。

田鼠入室

占 夢此者。福將至而未章者也。夏月田鼠化為鴽。
曰 鴽者蝠也。蝠者福之象。但目前尚有可側者。

田鼠在井中

占 夢此則有井。澤不食之象焉。田鼠形小而汚。
曰 非井中所居。居在穴。故夢此。尤可側之甚。

鼠化猫

占 此小人假威權之夢也。猫者。柔而害物。鼠者。害
失夜動。鼠化為猫。則候役得以張牙露爪矣。

鼠化成人形 吉

占 此夢乃生男之兆。鼠為艮象。艮者。少男。耆老夢之
曰 主生幼子。出家者夢之。驗在他人。無生育之機。而
夢之。須防口舌之事。或有子姓。藉姓
人為之勸解。改禍為福。未有不祥者。

鼠竄

占 此災消禍解之夢也。姦邪遠避。盜退仇息。諸
曰 事皆无咎。惟官吏夢鼠竄。城墻穴中有姦盜。

飛蟲遍體入膚復出

占 夢此者。億兆生靈聚集于其躬也。非平居在家之
象也。太陽興而羣陰伏。虫為陰類。故入其膚。太
曰 旺而羣陰散。肌膚氣旺。故入而復出。此
大貴人之夢也。貧賤夢之。主癆瘵之疾。

明德馬皇后選入太子宮時年十三。禮則修備。上下安之。遂見寵異。顯宗即位以後為貴人。時賈氏亦以選入。生肅宗。帝令后母之。后於是盡心撫育。勞悴過於所生。后常以皇嗣未廣。每懷憂歎。肅宗左右。若恐不及。忽夢有小飛虫無數。赴着身。又人皮膚中而後出。若數日。有司奏立長秋宮。帝未從。所言。皇太后曰。馬貴人賢德。冠後宮。即其人也。遂立為后。

一飛蟲入目內 凶

占 夢此必有一匪人與比昵者。將有大凶來臨。若夢入而復出。尚有可生之機。因入腹者死。

飛蟲自耳中出

占 此災消禍散之夢也。而病人夢之不祥。蓋飛虫是其魂也。魂有三尸。若夢三虫。三尸去也。

身化為飛蟲飛入雲中

占 此羽化而登仙之夢也。學者夢之登高第。術士夢之道大行。惟有病入最忌。而有頓痊者。

身化爲蝴蝶

昔者莊周夢爲蝴蝶。栩栩然蝴蝶也。自喻適志。不知周也。俄然覺。則遽遽周也。不知周之夢爲蝴蝶歟。蝴蝶之夢爲周歟。周與蝴蝶則必有分矣。此之謂物化。

泉州劉昌言下第作詩云。唯有夜來蝴蝶夢。翩翩飛入刺桐花。

蝴蝶飛來撲殺之吉

占 夢此主得外財。又爲生意。叠叠之光。有日 禍必解。有憂必散。有事必成。有求必得。

蝴蝶飛窓前

占 此作事難成之夢也。而必有邂逅相逢者。日 無事夢之。必有事。事成夢之。必有變更。

蝴蝶飛于帳中

占 夢中蝴蝶帳中飛。帳裏無花何所棲。日 此身有事情。他方去。床上無人被蝶欺。

青蚨自外飛來集几上

占 此夢得錢財無心忽有來萃聚成家富僥倖
曰 且開懷只恐飛來又飛去却教飛去又飛來

青蚨自內飛出向戶升去

占 青蚨母子全一去九飛旋夢裏來何處飛揚
曰 天外天明日銅錢皆散失不如無有在身間

螽斯 大吉

占 螽斯百子衍慶一家夢兆大吉生男榮華無
曰 論飛來飛去縱是亨佳子孫繁盛福壽增加

蟋蟀 俗名

占 此即斯螽隨時變化而異其名也是則在野寒則
依人當秋鳴於四壁聞者起禦寒之思故又名促
織雄者健鬪賭博場中養之以決勝負是小物之
可娛玩者也凡夢之者宜及時行樂詩云蟋蟀在
堂歲聿云暮是也夢聞其聲有憂
勤之意夢見其形有爭鬪之事

蜻蜓飛滿空中

占 此夢為萬民歡悅而不能隱之象也。有金珠之兆焉。有雲雨之兆焉。虛已以應人者得吉。

蜻蜓點水飛

占 此才弱不足以濟人事之象也。凡夢此者不可遠行。須防水災而逃。避逃竄。夢之最吉。因遠避而得亨昌者也。平安。夢之有小事至。

蜻蜓對對飛來庭院

占 此夢主嬌娥麗姿之象。平居無所事。忽有美人來而有求萃聚而不可得者。

蜻蜓自食其尾

占 此主古事之夢。而有得珍器寶玩之兆焉。又為自食已資。弗以干人。弗以與人之。

蠓蟪子捉蜻蜓

占 此小加大之夢兆也。蠓蟪微小而柔弱者也。為蟪
疑所欺者而所夢若此其有同居之女相欺相侮
日 為蟪妬之故歟。

蠓蟪飛滿帳 凶

占 此難中之夢也。夢之者其柔順以當大難乎。
日 能正其志避亦可不避亦可或曰癆瘵之症。

蠓蟪飛滅燈光

占 此夢主停喪之兆其不能正其身者夢之不
日 祥不以飲食之心為心自有天命又何妨乎。

撲燈蛾撲滅燈火

占 夢中灯火是心經灯蛾撲滅此心寧。
日 剛柔二氣相感應只因取女有虛驚。

飛蛾入口中 凶

占 此夢為口舌之難既解猶豫之心未定也不欲久
煩擾豈可無定慮行得中道乃無怪夢至不得中

曰 道而遺慮恐有異夢以應此
夢者而夜卧不寧之機兆矣

麥蛾滿野 貞吉

占 此諸事未得濟者之所夢也。有事出行者夢之
曰 宜登舟則安康。不宜從陸路。陸路有不便處。

麥蛾滿碗上

占 此夢主災。膏出門防疾病。疾病忌出行
曰 無事反不寧。不寧在飲食。心剛持正吉。

一麥蛾眼前飛來飛去

占 自家兄弟文書事。夢裏看看象麥蛾。
曰 雖然不是剛強性。成事虛張得泰和。

蠶蛾出繭中 吉

占 此夢主尚簡而成文之象。有婚。姻喜。事至。
曰 求子夢之。生貴子。若在養蠶者夢之不占。

蠶蛾集樹上 吉

占 夢此為柔道牽聯之象。欲簡而煩。欲隱而揚。剛柔相遇。遇在他鄉。頃刻變化。諸事吉祥。

蠶蛾生子 大吉

占 夢此者。因謙而得譽。因勞而有功。貴人夢主民心服。庶人夢之。衆心同。生子生男。必顯榮。

蠶蛾飛不出戶

占 此積產成家之夢也。夢此有女奴久侍而。不嫁者。或其下人有目心受苦而無怨者。

繭中照見蠶蛾

占 此夢主聰明有實之事。或以無為有。以有為無。而羣疑自忘者。

養蠶 大吉

占 蠶者。絲綸之所自生也。夢養之者。其將世掌絲綸之美乎。

給事中陳安平子。年滿赴選。與鄉人李仙藥臥。夜夢十一月養蠶。李仙藥占曰。十一月養蠶。冬絲也。

若必得冬司數
日果授工部

蠶忽化為蛾 吉

占 夢此速急成功之兆也。險處得康。難中得解。
日 作事無私。為公不為己。治身不治家之夢。

蠶蛾飛入蘭中 凶

占 此夢必有陰柔人。貴而反賤者。一心只為
日 私。私事已破。而其身伏藏。以就死地者也。

蜜蜂採花 貞吉

占 此勤勞王事。有大人主張之夢兆也。為公家甘心
日 服事。凡事無私。有險在前。見險而止。同寅協力。盡
切不二。繁華在前。守正無遷。

蜜蜂成羣擁蜂王飛上天

占 此夢主眾心悅服之象。而有困極必亨之兆。處財
得其徒出則得其所也。因時而行。必為高貴之吉。

夢林玄解

卷二十

昆蟲

柔

夢占

曰 徵。又為王子分封之夢。但其家養蜂
寡。不宜有此夢。夢此當因時致宜。

蜜蜂刺已身 凶

占 此夢者。刺客之機也。其有小人仇怨者乎。
曰 其有作事被謗者乎。其或有果被蜂刺者。

露蜂

或曰
蜂

占 夢此為起家之吉兆。而求子夢之不祥。詩曰
曰 蚬螺蚬螺。似我似我。夢此有螟蛉入嗣者。

露蜂集頭頂 凶

占 夢此主疑獄之事。貴官夢之。有似訟被冤
曰 者。庶人夢之。宜因時變以定保身之計。

滿樹露蜂房

占 此小人蜂聚之象也。官宦夢之。宜以安民之
曰 理。申命行事。士民夢之。為時事。病夢宜禱祝。

露蜂死滿地

占 夢此太陽興而羣陰伏。政治嚴而羣盜散。豐年之兆。而富貴居家。須防火災。病者夢之痊。

蟬鳴 吉

占 蟬有五德。飲而不食。應候而鳴。夢聞其鳴者。主有遠信至。又主高人逸士。聲應氣求之兆。

蟬飛集冠上 大吉

占 此夢者。大貴者之兆也。又士為朝中清要職。武士為護駕左右。臣蟬冠之象也。

蟬入室中 吉

占 夢此必有貴人來至者。其或有嘉音喜信到。乎其或有賢士相親近。清名振遐邇乎。

螳捕蟬 凶

占 此弱逞強。難保其身之勢也。夢之者。必有小人侵害焉。或有口舌爭訟之事。慎之慎之。

螳螂攘臂 貞吉

占 此其自以爲勇者。夢此須防小人自恃而不
曰 遜。又有遷依之兆焉。居所不可依。不可安也。

螳螂闔戶

貞吉
否凶

占 夢此必有小人觀取者。其爲人也正而無邪。
曰 公而無私。又何患乎。若機密之事有難防者。

絡緯鳴月下

占 絡緯摧婦懶。秋聲振夜闌。夢時升得應。
曰 順利有相關。喜吉來摧促。徵祥且耐煩。

絡緯在几無聲

占 摧促多頭緒。相思不用言。艱難皆易處。
曰 解散在秋間。見險宜安靜。休教自在眠。

絡緯避蝗

貞吉

占 此夢者以寡避衆。以女避男之
曰 象。險可避。禍患有解之兆。

蝗飛如隄雲云

占 蝗蟲所至。歲荒民飢。高飛遠舉。他方去矣。凡
曰 夢此者。蒙大難而得解。過險阻而有救也。

蝗飛水面 大吉

占 夢此主得大財。致大富貴。人夢之。為天祿增加。富
人夢之。為年豐之兆。貧窮夢之。為凶中得吉。絕處
曰 逢生。蓋蝗飛在田。入水則田中
無患矣。故夢之者。為大吉之徵。

蛇螞欺蝗而蝗死

占 此夢為解難之象。而小人必有受災殃者。
曰 是一強暴之人。見彼可欺而欺之者也。

蛇螞滿庭

占 夢中蛇螞。是生靈。因何集聚滿家庭。
曰 生生不已。來何處。大貴之人。莫用刑。

蛇螞蟻相聚 蟻又曰蠅

占 蟻在土中。蛇螞在草上。未有集聚一處者。而夢
此者。進而上升之兆也。為南夷北虜相聚一方之

日 象又為和洽無爭之瑞。又為新交與故人會集之景。乃佳夢也。

螻蛄在窓下

占 貴人夢之。主獄囚感恩。富人夢之。主乞丐求食。庶人夢之。主口舌小事。難中夢之。八月凶之兆也。

駕從天上飛來

駕又名編蝠

占 此夢主天神降福之兆。必有大喜事。功成志遂。利益名揚。災消病除。子賢壽永。

駕食蚊蚋

吉

占 夢以駕為福星之主。夢之者有可憫之故。而遇主福之人以救解之象。可喜可賀。

蚊蚋遍體

貞吉

占 此危處安身。禍中得福之夢兆。凡夢此。能順從上主。廣施福田。其福無量。其壽無疆。

撲殺一蚊滿手血

凶

占 夢此者因強遇暴。吉處逢凶。惟武人夢之。爲
日 殺賊之兆。庶人夢之。有被傷之象。宜慎防之。

蚊蠅如市 貞吉 否凶

占 此秋夏窮途之夢也。夢蚊蠅主殘刻。夢蠅主姦譏。市
日 者青曉黃昏之象。惟衣冠可以禦強暴。帷帳不齊
無以禦蚊蠅。衣冠不正。無以禦強暴。夢
此者。當以此理推之。必正其心而後可。

蠅矢積堦 凶

漢昭帝崩。大將軍霍光以太后命。迎昌邑王賀嗣
帝位。賀卽位。夢青蠅矢積階東西五六尺。召郎中
令龔遂而問焉。遂對曰。詩言營營青蠅。止於樊。慎
弗君子。無信譏言。今陛下臨御。說人衆多。如青蠅
惡矣。宜放逐之。信用譏諛。不皆放逐。必有凶咎。蠅
矢積階。陛下用譏臣之言也。未幾。光復以太后命
廢之。

蠅頭聚鼻上驅之不去

占 鼻者輔弼之謂也。凡夢之者必以交構。
曰 讒言受大禍。三國何晏嘗夢此。尋伏誅。

蠅虻集背上 貞吉 否凶

占 君子夢之大吉。將有暗傷其讒諛輩者。
曰 讒諛夢之大凶。蠅虻捕蠅。蠅類被害矣。

蠅虻多無數

占 夢此主讒諛小人為頭劣。小人所害。蠅有翅能高。
曰 飛蠅虻無翅不能遠舉。而有時以絲懸之得捕蠅。
以於空中。以此夢推之。是頭劣之輩成羣。
以時說諛之為人用者。被讒害者夢吉。

羣蟻聚扛蠅虻

占 此讒諛被害。而害讒人者。又為羣頑所戕害。
曰 之兆也。夢此者必謹言自守。而後可以保身。

羣蟻扛螢 凶

占 此文明遭大難之夢也。夢此有書生。
曰 被人侮者。病人夢之。有虫在經絡。

螢飛螢集滿庭前

占 此夢主清光照野。萬物化生之象。有天下和。日 平之景。往來平易之地。無驚憂駭昧之情。

螢入帳被 貞吉

占 夢此主有外客至。凡過於弱者以虛為壯。過日 于勇者視有如無。於是推之。所至者可知矣。

螢無首無翅 凶

占 此鬼祟求食之夢也。夢此該設醮脩齋。有病日 患難愈者。宜普放不陸燈。如中元所作法事。

螢入腹中 吉

占 此夢為明心之兆。有赦過宥罪之祥。遇險日 得勝。遇難得解。凡事宜作速。用火宜小心。

螢集如珠燈 吉

占 此夢為文明之象。而有照臨之兆。明日得一。日 明鏡則驗矣。若病患夢之。須防秋後之景。

螢自日中出 貞吉

占 夢此主 皇命至。書生夢之大吉。貴人夢之者。其有威而可畏。則諸事皆昌。庶民無所事于。日 者。須防火災。武人夢之。為顯榮之徵。病

唧風 秋蛩其形

占 秋蛩鳴四壁。唧風聲唧唧。春夜夢秋聲。日 無端生嘆息。誰知金道昌。生財生大吉。

蟬螂飛 舟中曰蟬螂

占 蟬螂有翅不能飛。夢裏飛來果是奇。日 道路貧窮真困苦。始信人家有竈雞。

蟬螂入被中 貞吉

占 此好潔而不潔。無疑而有疑之夢。夢者須日 防小口有悔。或有閉雜是非至。無妨也。

蜥蛇與蟬螂羣聚

占 夢此主困窮之輩有小事相聚也。貴人夢之。富以寬恕理刑獄。貧人夢之。當以潔淨保身。

蠶蟹或蟹生于田中

占 此飢荒之歲所以傷禾。人所最惡而無法以治之者。夢之有吉兆焉。勤勞皇家。日新其德。萬民以昌。曰 生生不已。兆民安享。舍哺鼓腹。何吉如之。凡庶人出行有事。夢之忌行陸路。

螭螂堆積如毛 凶

占 此主失財之夢。夢之者千金費盡無疑惑。一曰 錢不廢有憂驚。不是賊來偷。即是人刻剝。

獸銜螭螂來

占 夢此主惡人之象。有惡人以異事驚恐者。但曰 能以禮待之以義遠之。以智服之。則無咎矣。

螭螂在床下 凶

占 此貧窮危厲之夢也。貧賤夢之無妨。貴人夢之。驗在遠行。富家夢之不祥。又有病患事。

牛蟲集于膚 吉

占 夢之主得財有勤勞費力之事貴人夢此將
日 有事于田野富人夢此當高尚以自安矣。

狗蠅飛來 吉

占 夢此者得小人之財無勞而有功志康而
日 不可却困窮夢之無悔疾病夢之必痊。

龍虱從天降 吉

占 龍虱者每錯之異味也夢之必
日 必有美酒佳餚以自意外者。

龍虱在衣內 吉

占 此大貴人所夢也天子賜燕之兆庶人在田
日 野亦有皇恩者無困受恩澤反有病患焉。

鶴虱 吉

占 夢鶴虱者亦是酒食但其所從來者不同耳
日 因口舌之事而得之或謂惡人之物而吉者。

鵝虱 吉

占 夢此主得財似難而實易似少而實多積小以成大因時以順行頃刻立就者也。

蟹虱 臭

占 夢此主財物之兆其財非一人之事有彼此之分非志之所及有不足之象。

蚤虱自土中出

占 此作事艱難之夢也夢此者有求不易得日有事不能成有物不得聚有聚不可久。

蚤虱滿床席

占 夢此者居之不能安而所畜必有損困苦寒日窮之故也舍已從人勞而無怨則解其厄矣。

自吞蚤虱

占 此不得志者之所夢也此其時可小事而日不可大事者也似體健而有病患者也。

蚤虱跳入水中 吉

占 夢此者意之所至。事必至焉。可以解憂。可以無患。可以遂其所欲。可以遠其所惡者。

捉虱 吉

占 此自求多富之夢也。求已不求人。財自己生。病自己却。愁自己解。壽自己延。維天所祐。

虱生滿衣捉去置地爲雞犬所食

占 百計千般財得積。一朝虛盡口難言。却還乾潔無庸促。勝如煩惱有憂煎。

他人身上虱飛來 吉

占 他人身上虱飛來。飛來叮痛夢生哀。夢中只道多愁苦。覺後無心得外財。

虱自肌膚內生出 大吉

此夢主生意無窮之兆。有進之士。能率其真之夢也。無家之人。將得下小。以成家之夢也。大貴者則

占 生靈自此得生之夢也。小人者則事物有生發之夢也。疾病者災悔已出之夢也。女子婦人者容色漸舒之夢也。老年衰倦者血氣復生之夢也。有大難者今後得生之夢也。多煩惱者肝氣舒轉之夢也。有求於人者自己生色之夢也。夢此未有不吉者。

羣蛆食體 大吉

占 此君子體仁為羣生所趨附之象。夢之者大吉。

唐高祖將舉義師。夜夢身死墜床下。為羣蛆所食。留滿禪師曰。公得天下矣。死是甦也。墜床是下也。陛下是至尊之稱也。羣蛆所食。億兆趨附也。

一蛆從糞中出 吉

占 糞屬金中之土。故於夢兆為財物。夢此者有人以財物之故而來也。其得財之兆乎。

蟻蝥食李 貞吉

蟾蜍在所坐處

占此夢主致苦之兆而有非為者必遇大禍若言貴言夢之他家之事有外人作內主者

占夢此為所交相感所求相應之兆感應之理微幸遇其貴因而以齊相與相悅其吉可知

蚯蚓行草中

蚯蚓一名上龍

占夢此者幹事宜緊不宜慢宜勵不宜寬若病人夢之或無病而屢屢夢之則為蟲症之象

峴山有徐富九居積甚饒一夕夢驅車往州見道上一蚯蚓大而長其色如血後見一婦人俯拾一物因問之婦出一金釵曰此纔拾得者富九審曰為我見而歸于一婦人我時去矣禍速矣以田產盡散族人室宇一空遂獲免亦可謂知幾之哲矣至則蕩然一空遂獲免亦可謂知幾之哲矣

蚯蚓大如蛇 吉

占此夢為陰難將解之兆訟事夢之遇赦出行夢之宜速避病患夢之為胃虫又為兩兆

蚯蚓入室

占 夢此者將有逃避是非之人來求
曰 隱居者當以夢中聲色占其吉兆

蝸牛滿野

占 蝸牛之虫水道之陰遇陽而生其性刻
曰 火凡夢此者利女人之貞為貧窮之景

蝸牛在壁上

占 此淹蹇苦楚之景象也凡夢之者為有陰在
曰 前之兆恐是未知其所止而止之者知止吉

蜒蟥在几席

占 夢此者居不當其位行不得其正聽不得其
曰 明有難信之言與心意相反而必宜從之者

蜒蟥回繞蜈蚣

蜈蚣百足之虫

占 此以水滅火之理也夢此者其處困而無法以解
之者平若有仇讎姓吳者則宜因其吳民之不祥

曰而而定立身之貳毋好利而忘義亦受蜣蟥之禍也

蜈蚣刺蜣蟥

貞吉否凶

占夢此而有夫妻反目之事者其禍有不可知必其惕厲自戒而後可以生免禍之幾若其夫妻未嘗反目者夢之則為鄰人欺貧致富之象而柔弱者得便宜剛強者有大禍

蜈蚣百數集于左右

占凡夢此者相與有惡人而少善人也當斯時也必能正其身而家道正家道正而无咎矣

蜈蚣鹽蛇腦

占此夢者小惡人謀殺大惡人之象也必有身榮家富行止不正者被強暴小人所害

蛇蟻在床下

此夢主羈旅艱辛之象而有小事亨昌者苦安居無事夢之須防陰濕之患

執一蛇蟠在手中

占 夢此為銅錢之象。當以景象推焉。握之者有所得也。棄之者有所失也。死者不過如斯也。

蝎滿四壁 吉

占 此夢為遷依之吉。夢蝎者歇也。是日 是可以歇其身家之所在也。

守宮吞蝎

守宮一名壁蝎 蛻一名壁蛻

占 夢此主畜養婢僕之瑞徵。必得賢且美者。蟬日 者有智巧而無邪心。善守而能捍患者也。

蟾蜍

蟾蜍又名壁蟾

占 夢此有喜事之兆。而所事甚小。所日 喜甚微。亦未嘗為大事。亦無他患。

蜘蛛 吉

占 蜘蛛虛巧勝于蠶。張羅布網向空落。日 夢中滿腹絲綸綸綸。剛大聰明養聖賢。

蟻呓蜘蛛

貞吉

占 此以小犯上之夢。而於小口有災悔之徵。
日 所居尚德。所養得調。驗在他人。於已無咎。

蟻化爲人形

占 蟻爲昆蟲之微。而有君臣之義。有巢穴之巧。
日 有遷依之智。夢中見之似人。其蟻王之神乎。

當陽董昭之嘗渡錢塘江。見江中一蟻。着一短蘆
走。一頭復迴向。一頭甚遑遑。昭之曰。此畏死也。乃
取着船。船中人曰。此毒螫物。當踴殺之。昭之憐而
止焉。以濟之。夜夢一烏衣人。從者數百。來謝云。僕
是蟻蟲王。君有急難之日。當見告。後昭之遇事繫
疑獄。忽有一蟻王。領羣蟻穴獄。而昭之遂因得免。

夢林玄解卷之二十